

期五

行發日期月

[所

社

[所

武昌 南門外
武穴 朱復成
黃州 殷豐恒號
湖北 文明書室
廣東 衣上街廣聞報社

直隸 官書局
四川 成都桂王橋北街傅崇樂君
四川 成都桂王橋北街吳達權君
四川 成都學道街徐伯庚君

六月

漢聲

即湖北學生界第六期

(回一月每)

(0743)

漢聲

湖北學界廣告

一本雜誌改名「漢聲」仍續前緒定購全年者補足成十二冊已定閏月分老
加寄舊學一冊
二本報總售處分兩大路海外各埠為一路以日本橫濱山下町二百四十番廖
振華號為總經售所中國各埠為一路以上海四馬路東華里昌明公司為總
發行所願為本報分派處者可與兩處直接一切不悞尊覽
三凡中國通日本郵政局各所可與日本東京支那留學生會館湖北雜誌部直
接本報按期發行無一阻礙凡寄報資來購者飛郵呈上不敢刻停其有寄上
本報五期尚未寄報資來者本應作零售價算本社為開通風氣起見極力廉
諒仍寄舊學一冊足成半年 惟資本甚微望速交定價以資
周轉
四本報因社員交迭庶務紛煩是以出版延期非敢有意延擱以後聘定手名極
力維新務使讀者滿意

(0744)

漢聲

告廣界生學北湖

力維新務使讀者滿意
四本報因社員交迭庶務紛煩是以出版延期非敢有意延擱以後聘定手名極
周轉
諒仍寄舊學一冊足成半年 惟資本甚微望速交定價以資
接本報五期尚未寄報資來者本應作零售價算本社為開通風氣起見極力廉
接本報按期發行無一阻礙凡寄報資來購者飛郵呈上不敢刻停其有寄上
本報五期尚未寄報資來者本應作零售價算本社為開通風氣起見極力廉
三凡中國通日本郵政局各所可與日本東京支那留學生會館湖北雜誌部直
接本報按期發行無一阻礙凡寄報資來購者飛郵呈上不敢刻停其有寄上
本報五期尚未寄報資來者本應作零售價算本社為開通風氣起見極力廉
二本報總售處分兩大路海外各埠為一路以日本橫濱山下町二百四十番廖
振華號為總經售所中國各埠為一路以上海四馬路東華里昌明公司為總
發行所願為本報分派處者可與兩處直接一切不悞尊覽
一本雜誌改名「漢聲」仍續前緒定購全年者補足成十二冊已定閏月分老
加寄舊學一冊

(0744)

湖北學生編輯 **師範講義再版緊要廣告**

是編出世以來大為教育界所歡迎幾於不約而定惜本社防範不嚴被海上奸商改定價為三元致吾教育界同胞虛糜重費吾輩利益國民損已「從廉」之盛意為所掩蔽每念及此髮指眦裂知吾國之亡其故不在遠然而定價雖改苟索乎閣中稍後出重價仍不能得故先付資東京囑再版取書實多亦可知是書之聲價矣今此同人重加校訂更臻精確卷面金字裝訂美麗堅實足供撫摩成本校初版稍昂酌改四冊全價為大洋貳元上蓋有湖北教育部印記諸君購再版者務請認明如有印記不教或改換價值等弊請即函告本部當查明奉覆

凡初版不在此限 至其內容之該博淹雅久已膾炙人口無俟同人之自替也

上海四馬路東華里

日本東京駿河臺鈴木町十八番地

總發行所昌明公司

湖北同鄉會教育部白

聯 語 改 良

光黃學人著●上海四馬路東華里昌明公司發行

目錄如左
泰西金言集 英文對照
古語適存集
近人佳句集
歲時聯語集
普通聯語集
市廛聯語集
中國社會之衰頹
本於俚語學術之
謬而聯語則代表
俚語學術者也欲
改良社會者不可
不問道於此書定
價亦廉大洋一角

昌 明 公 司 廣 告

上 海 四 馬 路 東 華 里

本公司為湖北留學日本同人發起
糾股興辦專售東京學界譯著出版
物兼販運各種教育器具冀為中國
輸入文明機關凡海內外碩學著述
均可代派較諸尋常書店格外信用
總辦萬君武亭為卒業歸國中之熱
心負時望者諸事自能為閱者著者
體量周到各省學堂有購買教育儀
器者本公司承辦尤當格外克己以
報効國民謹啓

(0748)

應 用 物 理 教 科 書

廣 濟 陳 文 哲 編 述

上海四馬路盤街東華里昌明公司發行
定價大洋六角五分

本書之特色如左
一 關合理科現行教則之要旨酌量普通中學心理理解之程度精選
教材配置妥當以啟發其自然物理之知識
二 採集各發明家真影及歷畧等使生徒對之油然生愛敬之心以導
其科學之思想
三 凡有關於人類今日之開化自然之生活適當之應用者採入之
四 凡採入之圖悉經實驗極為簡單極為重要且極有趣助人興味
而增人智識者
五 所用譯語無論華譯和譯取用時概以於該句意義圓足顯明妥當
為主隨加雙行分註註明之
六 親承日本高等師範名師之講授並參攷東人現著之書十餘種
七 凡書中宜注目之處悉用大字或○●等顯明之使學童不致滑口
讀過漫不經心

(0750)

清 俄 之 將 來 出 書

三戶遺民編譯

定價 大洋五角

是書為日本海軍大尉會根俊虎君原著。曾氏為山東舊族。宗聖後裔。因漢土失馭。東胡
竊國。遂乃孔子乘桴。魯連蹈海。雖神山久處。已歷數世。而祖國之感。殷殷不忘。凡所著述
十餘種。無一字不為漢族說法。洵吾祖宗黃帝之孝子。是書出版。在甲午戰後。於清俄交
際。洞見先機。第以偏為其血族漢人故。日本禁其發售。茲從君處覓得原印本。亟為譯出。
以廣流傳。庶他人謂我種性薄弱者。可以結舌。而吾同胞之懦夫。亦當起立也。末附一卷。
為極東最近之變局。乃本社同人編譯。亦足資研究。留心時局者。曷取一觀。

漢 學 出 書

原名溫故錄●定價大洋三角五分
日本戶水博士原著

要目如下●殉死與作俑●支那人種●支那古代之開化●古今文尙書考
以上二書上海各大書坊皆有寄售

俄 羅 斯 虛 無 黨 付 印

是書為日本烟山專太郎所編。於俄羅斯虛無黨原因實。言之最詳。可為中國各黨會之參
攷書。特譯以餉之。

大 湖 南 北 同 盟 會 啓

(0749)

游 學 譯 編

第 二 十 期

圖書●壬寅冬孟同鄉會攝影○癸卯春季
同鄉會攝影○癸卯秋季同鄉會攝影
社說●湖南自治論
軍事●二十世紀之軍事問題
實業●日清銀行設立之運動
外交●續滿洲問題(續)
歷史●十九世紀歐羅巴歷史之壯觀
地理●地相測算沿革談(續)
時評●游歷官之愛國淚○增祺之結果○
王文韶亦免官乎○鐵良誤矣○諸君見
約束學生條約否
小說●黃人世界(續)
餘錄●游台紀畧
附錄●湖南同鄉留學日本題名補錄

癸卯九月十五日發行

半年六冊 全年十二冊 價銀 八角五分 郵稅 一角五分 酌加

謹告代派處及閱者
本編自去歲創辦以來為
海內外同志所許許期年之間銷行頗鉅惟
同人等以學課餘暇組織成文章多難維
自負茲今屆第十二期特大加增刊
較前約逾一倍文之優劣閱者自有定評同
人等以前者體例多未完善印刷亦須改良
擬暫停數月一俟議有頭緒即行續刊屆時
再當奉告
又上海湖南總代派所及各分派所辱承厚
愛繼理年餘無任感荷所有各項帳目多未
清理本社以年終須一律結算務望各代派
諸公趕速清算將所存各款匯寄本社不勝
盼禱之至

陰 歷 望 日 行

(0751)

新 學 書 目 提 要

法制●歷史●輿地●凡三類各一冊
共定價一圓四角 上海通雅書局啓
德意志史 八吉田松陰 五 鐵血主義 二 俄國之勢力 四 植物病理學 四

總 發 行 所

日本東京神田駿河
台鈴木町十八番地
上海棋盤街

支 那 留 學 生 會 館

亡國警告

露國之滿洲戒嚴 二月八日 日本二十六新聞
亞總督以露日之將開戰也同時將滿洲全土編入露國之版圖內以實行其統治之方針數日內曾發盛京將軍增祺吉林將軍長順黑龍江將軍薩保及其他官吏之諭貼有云
一滿洲三省之地屬俄國皇帝陛下統治其一切全權總歸極東總督管理
一在滿洲之地方官須受極東總督之命令以將事若有反背其命令者定處之以重刑
一原屬清國之軍隊全編入俄國軍隊內
一土匪起事有妨本地治安須用俄國軍隊討之
一為維持秩序法律上起見清國之官吏得從極東總督之指揮而編為巡邏隊
一清國官吏如遇有關軍隊之事件須優待俄國軍人所供飲食營舍一切務從便宜
一對敵國時清國之官吏須聽極東總督之命令勿失機宜如有為敵國作內應使俄國蒙不利之行動等情事定處以重刑
一滿洲在留之中國人民有避難於俄國之他領土者亦可與以便宜

(0752)

漢聲
論說
學祖
湖北哲學
史學
史學之根本條件
傳記
牢獄之英雄
教育
家庭教育
實業
商業
國際商業政策

漢聲六月分目次

●農學 農學分類續前
經濟
普通經濟學續前
理科
植物學續三月分
時評
內政外交二大爭鬭時代
小說
天半忠魂
傳記
揚州夢
雜俎
蘭心樓史話

(0753)

奴痛
詞藪
楚風集
渡美紀行詩
外國新聞
外事

廣告定價		每月發行			
凡欲惠登廣告務於本報發行前五日交到價須先惠長期酌減		本報定價表			
		全年十二冊	半年六冊	每冊	
一頁	半頁	大洋二元	大洋一元一角	大洋二角	
三頁	一行四號十七字起碼	寄費視路遠近照加	開月視零冊照加		
五圓	三圓				
二圓	角				

編輯者 寶燕石
印刷者 藤本兼吉
印刷所 日本東京牛込區市谷加賀町一丁目十二番地
株式會社秀英舍第一工場
出版所 漢聲雜誌社
東京總發行所 中國上海四馬路東華里
昌明公司

(0754)

本社閏月大增刊舊學廣告
是編為本社當筆人旁蒐博採取材多方皆吾中國近世民族的文章足以醫近日假守舊為名以文其非者作劈頭之喝破維新守舊諸人皆不可不取讀 漢聲社白

1 穀 漢

漢聲
源不出西藏高原流不入中國海以長江之支水千餘里之淺流占大陸中央曾不啻滄海之稀粟然而上應列星之名下占四瀆之位猶為未足而用以代表吾四萬萬聰明靈秀種族之稱號在古昔人類發生既非此莫定首都居今日文明發達猶不能開駛航路此一區域母抑無足置重於天下而實無以副其聲也乎
漢民曰否地理何靈歷史則靈山川無聲惟人之聲懿我皇漢之鑒錫嘉名也鑒基水濱建大帝國東南盡海罔不請吏西通使於安息北驅逐匈奴使侵入歐羅巴世界史上南西交通之紀元實以漢人為之原動力厥後蒙古寇我中原復有偉人崛起首揮義旗以張神州之氣啓朱明之運光復國號亦曰大漢在中國歷史上造成人種獨立第二次之大紀念惟茲流域土不過圻而歷為豪傑首義之邦英雄發祥之地對於吾人足使其憂國之紅淚愛國之熱血進集交下而不可抑制自廣義言之則其膨脹國權漸被南朔為吾人種世界政策之源泉自狹義言之則其鐘毓靈秀洗滌羶穢亦吾人種民族主義之產所也

(0755)

況在今日縮地之法日出而日新亡國之劇愈演而愈烈亞洲以外有土地非白人
之所領者乎無有也中國之內有位置如武漢之足重者乎無有也其所居者為競
爭之中點故其所任者為世界之重心過去歷史之名譽惟此邦人克保之未來世
界之主人亦此邦人實尸之吾得發大聲以警告曰使世界亡國滅種之風潮漸靜
屏息波瀾不驚者乃大漢人種之天職而使中國久立於被征服者之地位不早
奮起擊以至墜前人之光烈墮世界之平和者凡居於江漢之滸之吾人厥宜首職
其咎

噫嘻慘哉種族之禍也置萬有之人類於天演界中優者日勝劣者日敗勝者坐享
權利殖民領土敗者則舉其先代之遺產祖宗之血裔悉跪獻於征服者之馬前始
之以燒殺姦淫繼之以牛馬奴隸終之以貧苦死亡世界之不平其孰過此埃及印
度為文明之先河而皆有淪胥以亡之憂徒令人憑弔靈驚之峯摩挲金字之塔而
已前事不忘後事之師我族而循其覆轍坐致焦爛則宇宙雖大不能容有色之人
種如其不然誓將賦同仇之什光復宗邦擊自由之鐘重宣獨立匪直黃白必須立

(0756)

平等之位即紅黑亦將燃既死之灰其興也世界傾心其亡也群類失望嗟我同胞
其勿以外來之憂患而自忘其關係之重大矣

披中國歷史地圖調查南北並立時期之遺跡北人每易占於優勝此漢人所以有
降為南人之痛也然英雄之奮布衣以光漢業者倡義必當在南漢高起於豐沛光
武起於春陵明祖起於滁和在當時交通機關未歸完備故所據常依險阻居今日
文明進步時代影響於國家地理上者不渺經濟的都會適為建國必不可缺之原
素漢口一埠雄據長江流域之中堅於新中國首府占獨一無二之資格洪楊革命
之戰殺人最多庚子自立之軍本營是駐雖云大事不成全局俱壞然形勢之競爭
固非失策況其死豹之皮足以震生人之氣一時流血適造成將來之大戰場虎鬬
龍爭必無寧壤生斯土者可以應運而興矣

嗚呼北風正競東南誰是男兒國魂何方江山又將易主嗟空談之無補余欲無言
病國民之莫知奚容坐視聊和墨汨時寫狂言牢已亡羊補猶未晚地將逐鹿居豈
能安惟我邦人伯叔兄弟聞風投袂庶各奮興揚民族之風潮兆漢祀於既絕豈非

(0757)

最急之先務哉今日者滿洲問題風雲日急東亞大局爭此須臾望野蠻之政府難
為止渴之梅議立憲之問題永作三年之艾置諸死地然後能生惟有振刷獨立精
神拔除奴隸性質喋血苦戰以競生存庶我漢族國民終足擔任近世之和局而剷
除其不平之種子吾輩居於江漢流域者亦可以不墜之三戶遺風奮其武怒報
其大恥以揭竿而為中國倡吾望如此同胞若何時不我待喪亂弘多投筆援劍歌
大漢之歌

歌曰帝軒轅之苗裔兮朕越居於漢濱既民族之蕃殖而偉大兮更桑梓之獨擅夫
令名祝汝漢兮為北美之朱斯比士目耳發人之來因表雄風而產文明兮增歷史
之光榮更膨脹而四溢兮伸帝國主權於海濶遺懣怖紀念於王庭當二十世紀西
力東漸之潮流兮挾太平洋而東傾嗟余室之漂搖兮寧堪歐風美雨之相尋今日
不求生於背水之列陣兮則為待死重圍之孤軍余音嗷嗷而口卒瘁兮冀喚醒睡
師之靈魂挽長流而濺異族之污染兮以光復祖國而振大漢之天聲



(0758)

論說

原祖

古者抱犧氏之王天下也始辨男女定婚嫁之制由是血族統系生焉歷年數千蕃
殖進化子姓越四百兆以上吾人飲黃河之水思厥源泉食大陸之毛反其根本美
哉河山國族斯聚艱難所創繼體承基凡我後人宜何觸目興思而愛親敬祖之
觀念發達於不思議之最高點也乎乃祭以遠而疏祀惟豐於昵疏以致怠豐以致
煩怠則忘煩則不敬積忘與不敬之結果於是不知誰為其先代神靈所不敬之非
類而異族得盜其帝統郊廟配享稱祖稱宗之名號轉而奉之他人矣不知如何而
後厥考厥妣之心安惟以嗣續不絕為孝浸至以博奴隸頭銜於異種之馬前而為
泉壤光寵者矣披廿四朝之歷史公認大羊雜種為祖宗者大書特書不一書噫嘻
謂他人父亦莫我顧誰生厲階至今為梗詩人之言惟今中國之謂歟若使死而有

(0759)

知。憫。矣。哉。吾。族。之。祖。宗。也。鬼。而。求。食。餒。矣。哉。吾。族。之。祖。宗。也。

日耳曼人守來因之歌曰：愛我祖國不之爾懼。 Dear Fatherland, no fear br thine, 美利堅人之國歌亦曰：倚祖父之神明兮。實自由之首造。 Our fathers' God! to thee, Author of liberty, 彼其捐軀以殉國疆流血以完天賦勁敵不得而撓虐

政不得而制者。惟是腦質之中印有其祖宗之遺念。望山頭草木亦助民族戰爭。對滿目河山悉流英雄血。淚憶余先祖某時代於此驅逐蠻人。奠我家室。某時代抵禦異族。固我邦圉。尺地寸土靈爽實憑。則雖有長槍大戟之強。胡彎弓控弦之黠。虜吾子孫對之。其神經如飲醇醪。戟刺而暴動。其熱血如漲春潮。澎湃而難遏。必拚死命以決一朝之勝負。負萬世之光寵。匈牙利能獨立於白人羣中。意大利能保國於地中海上。皆由此種靈力洋溢於國民之間。足以傳數千年而相續也。其有土地雖大。人口雖繁。文明雖古。然種類錯雜。愛情淡薄。而其教旨又漫以大同為義。無由定一宗主。此種民族必永屈服於異種專制之下。不能重見天日。印度往事殷鑒可資。嗟我同胞。其亦奮然而興。無長埋祖國之幽光。以貽羞於人類矣。

(0760)

凡國民之雄飛宇內者。其開山鼻祖之主義。必為後代進行之軌道。觀大彼得可知。俄人有囊括歐亞之野心。觀華盛頓可知。美洲非他人所得。而干預獨余。漢裔莫或象賢。有三五開闢中華之弘基。有漢唐征伐絕域之偉略。而皆不能保守。轉自立於被征服之地位。絕無恢復祖國希望。螟蛉有子。贏蟬負之。不知吾族何以竟如此下等動物之善忘。而墮落雄獅猛烈之威風。以酣睡長夜而不寤也。

推其受病之源。厥惟宗教思想之薄弱。西人之治國也。宗教與政治並重。政治以馭軀體。宗教以馭靈魂。譬諸雙翼之鳥。折一不能飛。輔轂之車。無依則俱覆。故其民族之以身殉道。舍命不渝者。非性質之特優。實由迷信之入既深。故雖拚生死而不惜。在今日科學進步。宗教固已退為筌蹄。然於起廢疾之國民。或猶有當崇拜祖宗之觀念。實與宗教相為表裏。茲特採其學說。告我義黃子孫。以澄其思想之源。泉俾知血族感情。發乎天性。非由外鑠。數典忘祖。是為退化。伯父伯兄。仲叔季弟。其各興懷。明發反本。後始勿徒以理想家之空談相視。

(0761)

為恐怖。因皆包含真理。第非以宗教之根抵為基。則涉於虛談。而不能為十分滿足之答案。近年宗教之研究。有長足之進步。英人叩爾。 Max Müller 由言語學之研究。進而入宗教之研究。其功既竟。人亦早已亡近世之第一流大家。當推和蘭之提諾。 Tiele 夙研究史學。乃進而研究宗教。其他德意志之佩夫利鐵。 Preller 法蘭西之熱富爾。 Reville 等。前後輩出。宗教之學益臻隆盛。茲著其講壇之演說。雜誌之要言。以窮究宗教之根源。而後愛親敬祖。觀念所以發生之問題。亦可以此為基。而得確當解決。

對於宗教根源之討論。叩爾。 Max Müller 以前久困學者之腦髓。茲由適宜上區別為左之三者而立論。

- 一 最古之宗教如何
 - 二 宗教如何而發生
 - 三 人何故而有宗教
- 第一。純然為歷史上之問題。第二。加理論於歷史。即言其所以生事實者。第三。純屬

(0762)

於理論。換言之。則第二為成形論。 Morphology 第三為本軀論。 Ontology 若使用漠然無際。宗教根源之口語。則此三者必有混同之患。故余欲專論第二意義之宗教根源。而後移於愛親敬祖之根源。唯從來學者。於以上三件不設劃然之區別。故雖以第二者為主題。然引用學說。必且與第一及第三兩問題相出入。茲先舉各家學說如左。

第一 神授說

此說流行最久。如婆羅門教。佛教。猶太教。耶穌教。回教。皆謂由神所授。怎拉此爾。 Zathustra 之宗教亦然。斯言雖不可保。宗教之神聖。然此宗教之稍為進步者。皆由野蠻時代之宗教漸發達。無庸疑也。

其在近世。尚非無取神授說之學者。由表鐵兒 Butler 之說。神授的宗教之教訓。與自然的宗教之公理。相為一致。則神之默示。 Revelation 與道理。為異名同物。又費此列爾。 Fechner 云。宇宙萬物之構造。有如使人信神者。謂以人力以上之力。使人知神之存在也。美士特。 Joseph de Maistre 亦云。無論最野蠻之宗教。亦起因

(0763)

於神授之宣告。第此種學說。今已陳腐無庸批評。

第二 無學說

宗教所出。由於古代人民無學。無智。乃近人之恒說。在 Hume 所言亦頗似之。其說謂太初蒙昧之世。未辨物理。故見天然之物。則發恐怖之念。信為神明。崇拜不置。以求避危。難享幸福。換言之。則宗教之發生。基於人類之恐怖與希望也。

第三 疾病說

或以宗教歸於人心之疾病。謂曾不外於空想。烟披多士 Empedocles 昔唱此說。近世嫉惡宗教。多取之者。

第四 僧侶狡計說

一說謂僧侶以宗教惑愚民。古往今來其揆皆一。所謂宗教者。僧侶之狡計而已。然即事實而論。則非有僧侶而後宗教生。乃有宗教而後僧侶出。以宗教為僧侶誣妄之罪案。僧侶不任受矣。

第五 政略說

(0764)

或曰。宗教者。政治家所以治國之具也。愚民惑溺宗教。為政者以僧侶為器。治國乃易。第此類屬於宗教之作用。非屬於宗教之發生。亦無庸為之深論。

第六 恐怖說

由無學說之一方面而觀。則為恐怖說。此種學說。尚有獨立之論者。謂人畏天威而崇拜神。是也。然宗教迷信。不必在於怯者。大勇如拿破崙。亦云萬事萬端。皆示神之存在。且由事實而論。信神之存在。生於前。懼神則生於後。是恐怖之說。亦不足以說明宗教之發生矣。

第七 崇拜英雄說

或以宗教所出。原由崇拜英雄。英雄生則崇拜其肢體。英雄死則崇拜其魂魄。是即宗教之所以超然觀野蠻人民之狀態。或崇拜天然力。或崇拜種種之寄寓魂魄。皆較崇拜英雄為先是。亦未可為探源之論。

第八 崇拜祖宗說

斯賓塞 Herbert Spencer 云。古代之人民。以為死者靈魂。有生者所無之一種特

(0765)

別能力。木石之中。皆得居住。故崇拜靈魂之結果。遂至崇拜木石。則宗教之發生。不外於崇拜祖宗。如以天。地。神。為生者之遠祖。亦基於同一之思想。且崇拜祖宗。率由恐怖死者之觀念而生也。然是說甚反於事實。如靈魂不滅。乃稍為進步之人民之思想。在野蠻時代。與猿猴相去不遠。尚未足以語于此也。

第九 崇拜靈魂說

臺諾爾 Tylor 之說。謂野蠻人民。以為種種之魂魄。木石山川。皆所寄寓。是即宗教之所以發生。然以之與崇拜自然力二者比較。先後尚屬一大疑問。第其出世。必在崇拜祖宗以前。則信然矣。

第十 內的光明說

德意志學者。謂人心內有光明。能知神之存在。此說在宗教之本體論。Ontology 亦非無一顧之價值。然於成形論。Morphology 全無所當。前所述人何故有宗教。關於本。論如何。而宗教發生。關於成形論。論之。議論內的光明說。無所說明。

第十一 無限說

(0766)

此說由卯爾 Max Müller 唱之於前。提諾 Tiele 和之於後。然卯爾之無限說。與提諾之無限說異。卯爾云。無限者。謂無窮 infinite 之知覺。即領會 Perception apprehension 為凡宗教之根源。無論何宗教。皆由領會所謂無限而生者也。提諾云。太古蠻民。無如是之領會力。然有言人元。有所謂無限在胸中。是人生而有所謂無限也。縱令不自知其有。亦斷不得謂之無宗教者。由此無限而出者也。此說於成形論。雖不完全。於本。論。頗得要領。

其在太古人民。漠想支配吾人之運命者。必有一種神妙不思議之力。欲享幸福。免危難。則不得不崇拜之。是即宗教之所以起也。對於「宗教如何而發生」之問題。此語可為答案。若如無學說。疾病說。諸學者所云。則此力非實際存在。而宗教不外於空想。然此屬於本。論。姑略於此。且在古代人皆信支配者之非誣。由迷信而生崇拜。亦必然之結果。昔人崇拜日月星辰山川草木。皆全信是等有神妙不思議之力。又為此力之所寄寓。非他故也。後世人智開發。漸進文明。崇拜日月星辰之類者。乃止。至於奉一神教。又奉多神教。其信為支配運命。仍與昔時相同。其所異者。惟今所

(0767)

謂有力者非昔所謂有力者耳。神妙不思議之力之存在原因於內的光明。抑原因於心中之無限。是亦當屬於本。神論與以上所述成形論中無所關係。茲既舉成形論以答宗教如何而發生之問題。即可更進一步討論吾人愛親敬祖觀念之原始。

(未完)

(0768)

中宵飲恨
呼宗祖
淚共潛
寒雨疏疏

之後嗣。受封於楚。以子男之田。姓辛氏。居丹陽。史記楚世家。鬻子事迹雖不多見。史記云。伯夷叔齊在孤竹。聞西伯善養老。盡往歸之。太顛闕天散宜生。鬻子辛甲大夫之徒。皆往歸之。時年已九十餘矣。賈子脩政語下篇云。周成王年二十。即位享國。以其身見於鬻子之家。蓋其時鬻子已有百餘歲。鬻子逮事文武成三王。老不能就封。故成王以封熊繹。猶伯禽封魯也。洋洋乎吾楚之建國也。傳世數十君。據地數千里。終春秋戰國之世。號稱雄國焉。秦肆毒並吞六國。楚雖三戶。猶得假號。以介之湖。其建國之初。則莫非鬻子積德累仁。有以致之焉。此所以能建大號於無窮也。後之讀者可以興矣。

漢書藝文志道家鬻子二十二篇。又小說家十九篇。今小說亡逸。而二十二篇者止存十四篇。雖時々見于他書。而其亡佚者多矣。遺文殘缺。非出偽造。吾鄉文獻。莫古于是矣。是亦九流之初祖也。

(0770)

(二) 鬻子之學派

或謂熊爲周文王師。自文王以下問焉。不知何以名道家。潛庵案班氏藝文志多

湖北哲學

哲學者所以造就國民。特別思想之原因也。泰西之哲學與泰東之哲學異。泰東日本之哲學與中國異。中國者思想最富。思想最早之國也。以別國之思想。強而注於吾民之腦中。欲其容納也難矣。中國無哲學史。蓋萃之派別之斯亦中國哲學發展之時代也。述湖北哲學。以爲其嚆矢焉。

(0769)

學說

鬻子

傳畧及著書

(一) 鬻子名熊。爲祝融十二世孫。左傳年九十餘。魏相奏見文王。王曰。嘻。老矣。鬻子曰。使臣捕虎逐麋已老矣。使臣坐策國事。臣年尙少。意因立爲師。御覽鬻子事

文王早卒。鬻子以早卒故名不著其子曰熊麗。熊麗生熊狂。熊狂生熊繹。成王時舉文武勤勞

學說

沿襲七畧舊文。向歆父子生當西漢源流。授受必有所本。列鬻子於道家者。非漫爲著錄也。嘗就其存篇考之。貴道篇云。昔者五帝之治天下也。(中)其道首自然。今本道首自然。錢校本作萬世爲福。萬世爲教者。黃帝以下舜禹以上而已矣。白虎通其道首自然。皆誤。黃帝爲福。萬世爲教者。黃帝以下舜禹以上而已矣。白虎通義曰。黃帝有天下。號曰自然。自然者。獨宏大道德也。鬻子之書以明黃帝自然之治爲人君南面之術。固治天下之書也。豈若後世道家之言乎。

道家之學皆託始黃帝。漢人黃老並稱。老子云。百姓皆謂我自然。故知老子之學亦出於黃帝。鬻子之書有與老子相出入者。列於左。

鬻子曰。欲剛必以柔守之。欲強必以弱保之。積於柔必剛。積於弱必強。觀其所積。以知禍福之鄉。列子

(0771)

老子曰。見小曰明。守柔曰強。無遺身殃。是謂習常。

鬻子曰。運轉無已。天地密接。嚆覺之哉。故物損於彼者盈於此。成於此者虧於彼。

老子曰。天之道其猶張弓乎。高者抑之。下者舉之。有餘者損之。不足者補之。天之

學說

三

道損有餘而補不足。人之道則不然。損不足以奉有餘。由是觀之。七畧之列。鬻子於道家者。尤矣。

(三) 自然哲學

鬻子老子皆道法自然而思想各異。老子之言自然者。無爲也。其言曰。天得一以清。地得一以寧。神得一以靈。谷得一以盈。萬物得一以爲生。侯王得一以爲天下貞。老子以天地間一切現象之蕃變。無不以自然爲根本。故曰。抱一爲天下式。一者。無對自然之無。爲也。鬻子之言自然者。進化也。其言曰。有天然後有地。有地然後有別。有別然後有義。有義然後有教。有教然後有道。有道然後有理。有理然後有數。日有冥有旦。有晝有夜。然後以爲數。月一盈一虧。月合月離。以爲數。紀。鬻子以天地間一切現象之遞遷。無不由自然以爲次序。故曰。四者皆陳以爲數。治數者無窮。自然之進化也。此老子鬻子相異之點也。

鬻子言人羣進化之理。亦異焉。以爲天地既闢。庶物憑生。號物曰萬。以人爲政化而爲善。是名爲人化。而爲惡。是名曰獸人。而不善。是反。天常進化之機於斯。退焉。人而

(0772)

非人。直謂之獸。故其言曰。

天地闢而萬物生。萬物生而人爲政焉。人化而爲善。獸化而爲惡。人而不善者。謂之獸。

是即鬻子倫理論及政治論之思想根本也。

(四) 倫理論

天之生斯人也。不能有善而無惡。孟子言性善。荀子言性惡。兩者各趨於極端。而不能相合。後儒折衷之。以爲有本然之性。有氣質之性。而性理之說始明。鬻子則以爲善者。絕對也。人進化而爲善。斯能完全其人格焉。反此者。即謂之獸人。禽之界危乎微乎。

人獸者。善惡之假定也。然人之生於社會也。往往出乎倫理範圍之外。以擾亂其秩序。而不絕於天下者。非性惡之明徵乎。故主持性善者。嘗來此困難也。鬻子則直斷之曰。人而不善。謂之獸。斯言也。所以位置夫惡而使善。獨立於絕對之地也。

修身論。鬻子修身論。以去惡爲標準。大道篇云。昔者文王問於鬻子。敢問人有

大忘乎。對曰。有文王曰。敢問大忘奈何。鬻子曰。知其身之惡而不改也。以賊其身。乃喪其軀。其行如此。是謂之大忘。夫知惡而不改。終其身於不善而已。則其去禽獸不遠也。況乎賊身喪軀。雖欲爲禽獸。其可得乎。明乎此。則知荀卿性惡之說。非矣。使人性本惡也。則人類之滅久矣。而社會之消亡可立而待也。夫孰得起而救之乎。維持社會之道。必以人情爲本人情。莫不善。善而惡。惡如何徵之。徵之於言行而已。道符篇云。不肖者。不自謂不肖也。而不肖見於行。雖自謂賢。人猶謂之不肖也。愚者。不自謂愚。而愚見於言。雖自謂智。人猶謂之愚。夫愚與不肖者。惡之見端也。而人不肖。不自謂不肖。不自謂愚。則人之惡。惡者固其情也。賢與智者。善之代表也。而人自謂賢。自謂智。則人之善。善者亦其情也。然而言之。猶託於虛也。見諸行而實焉。鬻子之言曰。君子非人者。不出之於辭。而施之於行。故非非者。行是。惡惡者。行善。而道論矣。更是非善惡社會之不能無也。非其非惡其惡。而維持社會之道可諭於天下矣。

鬻子倫理論有與政治論相關者。曲阜魯周公政甲篇曰。

(0774)

昔者魯周公曰。吾聞之於政也。知善不行者。謂之狂。知惡不改者。謂之惑。夫狂與惑者。聖王之戒也。

是善惡者。不獨倫理論之標準。又政治論之根本也。

(五) 政治論

中國政體發展之順序。分爲三期。由黃帝至帝嚳。爲「神主政體」。一變而爲堯舜之「共和政體」。夏禹嗣興。而「君主政體」發見焉。鬻子以堯期之年。生當殷之末世。其時政體所歷之程。途已爲完。備故其政治論。以五帝爲法焉。其言曰。

昔者五帝之治天下也。其道昭昭。昭故其道首自然。萬世爲福。萬世爲教者。唯從黃帝以下。舜禹以上而已矣。君王欲緣五帝之道而不失。則可以長久。君主政體。由「君位禪讓制」一變而爲「君位世襲制」。此夏后氏之所創建也。有商仍之。其基益固。鬻子論君主世襲制之成立曰。

禹之治天也。得七大夫以佐其身。以治天下。而天下治。政湯之治天下也。得七大夫佐以治天下。而天下治。二十七世。積歲五百七十六歲。而至紂。政湯

(0775)

讀史者至桀紂君權之酷烈未嘗不痛恨君主政體之遺禍于無窮也。當是時堯舜共和之治去人未遠。使嚳子以改紂更張之言告諸文武。則後世共和政體未必遂成絕響焉。然以當時觀之。似氏君臨天下。傳序十有六世。歷年四百餘載。民樂其生。人安其業。數窮運極。而有一桀夏之統。系終焉成湯革命。建號曰商。傳序二十七世。歷年五百餘載。其間賢聖之君六七作。數窮運極。而有一紂殷之統。系終焉列聖積累之而不足。一夫覆仆之而有餘。天之報施惡人亦已酷矣。此嚳子政治論之觀念。未能超脫于君主政體之範圍者。時勢使然也。

雖然吾中國君主世襲制非成立於「權力于繫」也。洪水之禍為吾國民之紀念者。大矣。神禹疏鑿之功。百世之下。為美談。則當時之民謳歌獄訟不忘夏德者。厥有由矣。故嚳子論君主世襲制成立之要素曰「愛」。其言曰：

民者至卑也。而使之取吏。必取所愛。故十人愛之。則十人之吏也。百人愛之。則百人之吏也。千人愛之。則千人之吏也。萬人愛之。則萬人之吏也。故萬人之吏。撰卿相矣。卿相者。諸侯之丞也。故封侯之士。秩出焉。卿相者。君侯之本也。

(0776)

由是言之。則治者被治者之于繫生於愛而已。非盡由弱者聽命于強者。以成權力于繫焉。故曰：民者至卑也。而使之取吏。焉是明明以選舉官吏之權歸於最卑下。最多數之人民矣。君侯之本在於卿相。卿相之撰在於人民。則隱然以選舉君主之權歸於最卑下。最多數之人民矣。此嚳子政治論將超脫于君主政體之範圍而進于共和政治者也。

嚳子以君主者司撰吏之機關。非有撰吏之權利。其言曰：

民者積愚也。雖愚。明主撰吏焉。必使民與焉。士民與之。明主舉之。士民苦之。明主去之。故明主取吏不妄。必使民唱然後和。民者吏之程焉。察吏於民然後隨。

中國吏治之腐敗。盡現象於今世紀焉。小吏之言曰：吾受程於大吏。大吏之言曰：吾受程于督撫。督撫之言曰：吾受程于吏部。樞要下此者。吾皆可以肆行無忌焉。租稅徭役之不中程者。吾得而罰之。言論出版之不中程者。吾得而禁之。修然而臨於民曰：官吏者。民之程也。民權之說。吾中國古無是焉。嗚呼。使其一誦民者吏之程焉之言。有不詆為邪說者乎。

(0777)

嚳子於君位下。區為二級。曰民與吏。而以民為生力之原。其言曰：

力生於民。鈔本北堂書鈔引而功最於吏。福歸於君。

今日之世界。一生活力之世界也。電氣之力。汽機之力。器械之力。能使舊世界變為新世界焉。力生有原。惟民是矣。智力腕力之競爭。而功出幸。福生君與吏皆蒙其幸焉。當今世而有抑制民力之發達者。不曰虐民而曰阻力。

「官職世襲制」之成立。與君位世襲制相維繫者也。嚳子非之曰：

卿相無世。賢者有之。國無困治。智者理之。治要


嚳子非之於前孔子譏之於後。而世卿之制。絕迹于後世矣。

結論


余讀東人所著支那哲學史。嚳子之學說。獨闕如焉。豈疑其質作。擯而不錄。歟。抑以遺文殘缺。未易推尋。歟。然馬總意林。其目一遵。庾仲容子鈔。所引與今本同。則非唐人偽撰。明矣。泰西之學。吐故納新。有朝為神奇。暮為腐朽者。然于希臘哲學之說。雖片詞支語。珍為環寶。苟能推大其辭。則於新學界中。得樹一幟焉。抱殘守缺之功。豈

(0778)

獨吾支那人為然。哉。吾鄉哲學。以嚳子為鼻祖。聊貢茲篇。以備新學界之採擇焉。



(0779)



(0780)

史學

史學之根本條件

乾坤闢而產人類社會之組織於是乎生人民聚而營國家國民之資格於是乎立上下教千年廢興億萬族以地球表面為演劇之大舞臺名優迭出聲色遞變而為之活動寫真以留其幻影者實為歷史前之起原可展卷而追尋也後之方來可此例而推測也故史學云者凡以研究社會種種複雜之現象而已觀其運動悉由人間之心理作用而出而心理作用又因適用於上下四旁之事情而顯故各種條件皆得為史學事項而所謂根本條件者亦復紛出茲舉其重要如左

(0781)

第一 物理條件

第二 心理條件

A 個人心理條件

史學

B 社會心理條件

C 國民心理條件

第三 文化條件

概括而言則以上之三大條件可以制御人間之心理作用自由發展人本徇己之動物肆其運動抑制周圍之事情以強力抵抗及其死也循生存競爭適者生存之原則以枉屈一己之意見由是而觀上下四旁之勢力在於上之三根本條件者非常重大若能確算此勢力之比例則人間之意志由何境位與何程度而別實行之能否亦能計算不幸心理條件非常複雜但以心理學之進步稍為推究僅得略例茲特貢諸新史學界以資研究

(0782)

第一 物理條件

物理條件頗為古來學者所注意至於近世孟德斯鳩黑狄兒孔德巴克爾達殷利鐵亞出工夫漸密近拉且兒設人類地理學之名(即人種地理學)從事於此方面之研究然則我輩由此方針漸次進步物理條件信可全通茲取拉且兒所類別之

物理條件為之部次

A 及於人間狀態之影響

甲 生理的作用

譬諸熱帶氣候弛緩皮膚妨害蒸發足以弱人身體

乙 心理的作用

譬諸雄偉大偉麗之山水足動人間之感情在於箇人之間勢力雖鈍然漸次及於多數浸假而感染至於全國民是為發著於史學事項之始

B 及於人間意志之影響

甲 起事之作用

1 運動之作用

譬諸沿海地方之人民始於漁業運輸業進而漸營商業之類

2 抑制之作用

譬諸沙漠山林山脈之大者遮斷人間俾難飛越即所以抑制其運動

(0783)

史學

三

乾坤闢而產人類社會之組織於是乎生人民聚而營國家國民之資格於是乎立上下教千年廢興億萬族以地球表面為演劇之大舞臺名優迭出聲色遞變而為之活動寫真以留其幻影者實為歷史前之起原可展卷而追尋也後之方來可此例而推測也故史學云者凡以研究社會種種複雜之現象而已觀其運動悉由人間之心理作用而出而心理作用又因適用於上下四旁之事情而顯故各種條件皆得為史學事項而所謂根本條件者亦復紛出茲舉其重要如左

第一 物理條件

第二 心理條件

A 個人心理條件

史學

籠絡之於箇所也

乙 起狀態之作用

1 土俗的作用

譬諸時節氣候直及影響於衣食住之情景因求適應與抵抗之方法遂起人間之工夫寒則禦寒暑則防暑又因地面肥瘠注意土壤若人口數乏則更測量水力風力以利用其天然力此即工藝發達之淵源也

(0784)

2 社會的影響

譬由時候土地之構造凝聚居住之國民制為種種生存之工夫實業之發達重被此作用之刺激而成自然力弱則人間之抵抗力遂占優勝若自然力強則人間反被抑制而社會亦終不發達矣拉且兒物理條件之類別如上述隨此方針加之研究必先以人類地理學為基礎此學之得名作者之心蓋遠矣

被制於物理條件發達於一定之經路有顯於國民之通例者厥為希臘希臘之人元起於小亞細亞沿岸地方移住於希臘本國者也發跡與建國之地皆為接近海岸之山國山之突出千態萬狀海岸線頗延長且多島可耕之面積甚狹纏綿一方居民不繁雖聊以成立社會已有不得不飛颺遠適之勢其在太古時代曾出黑海北濱或至克令半島之南岸植葡萄樹以釀酒者巴斯之潮水為鹽競進於生存之法第以商人根性為不適當於農業之國民歷數千年不易其性今其國雖小而商業運輸業最為繁盛因無他務以分其能力也希臘人之國家觀念相倍發達自昔好持理想研究國家為何物丁年以上之男子有能組織社會維持國家者莫不鳩集一堂悉心討論以為持如此之田園養如此之人口一旦貧窮無以為生大有饑饉虎狼食肉於世界之希望希臘人理想之國家自吾輩觀之實最小規模之簡單組織而其社會亦為單純之動物體凡所聚議之丁年當數者不及五百附益之以婦孺假定為一家五人統計全數得五五二千五百之總人口定為五百竈合為一村村之中央置國防用之城

五

村之周圍築堅牢之壁壘城之附近有必要之田園希臘人持此思想定此組織於地形上有不可缺之原素一日海岸地須控當然之港二日田園以外之場所須有山地突出海面拓為小谷以冀民居三日村之中央須有斷崖矗起平原修為城山以資守望城山之中置以關守國家間暇供游觀之公園疆園多故充鎮守之厄塞希臘謂之阿頗利斯羅馬謂之阿克羅斯德人謂之撲姑俄人謂之骨熱麻皆指此類也

(未完)

(0786)



傳記

牢獄之英雄

是篇以日人野崎海東原著為藍本譯者據其感情加之補綴者也

第一章 總論

第一節 嗚呼囚徒

北起榆關盡海南東由溟渤達藏衛沃之以黃河揚子兩濁流鎮之以葱嶺分枝之數山脈開大平原於其中氣候溫和物產豐富吁嗟美哉神聖國洵地球表面無上之樂土也乃其居民呻吟於四等被保護國之異族政府之下頭綴長索足縛尺布言論多忌而口瘡奴隸是甘而心死服專制政治如義務無參政諸項之公權與其天然固有適成一反比例而為最黑暗之地獄千百萬由旬之苦海此種民族較諸文明國之囚徒殆為不如應無俟緒衣就獄之日始能發其悲痛也雖然鸚鵡入

(0787)

籠。順。欄。檻。以。俯。仰。蛟。龍。失。水。紛。螻。蟻。之。相。逼。已。投。之。羅。網。未。曾。脫。而。當。前。之。陷。阱。且。日。增。矣。不。其。悲。哉。嗚。呼。宮。闈。龍。歌。管。徹。地。而。有。碧。血。橫。飛。慘。痛。呼。響。於。其。旁。者。非。燕。都。之。刑。部。獄。乎。靡。罍。峨。峨。唯。諾。盈。耳。而。有。叩。心。鳴。冤。於。其。側。者。非。各。省。之。按。察。司。及。府。州。縣。之。獄。乎。市。廛。比。櫛。樓。閣。雲。蔓。而。有。飲。泣。吞。聲。於。其。內。者。非。各。國。居。留。地。治。外。法。權。之。監。禁。所。乎。國。亡。種。賤。受。此。固。當。夫。亦。安。能。咎。吳。天。之。不。弔。恨。他。人。之。無。情。也。

雖然囚徒囚徒豈獨非人也哉而縛其四肢塞其耳目褫奪天賦之自由以納諸不自由之獄蓋皆含生負氣之倫有淚有血之族也豈得謂之非人也哉原其犯罪或依於渡世之困難或出於精神之狂熱或發於義俠之胸懷或基於國事之憂忿或因戀愛之情深或由信仰之堅固其所起因事雖萬族要皆為自利的欲望主我的精神也又況教育無人依賴無國以一時混濁之精神羅畢生含茹之慘毒夫安得不重為憐惜而徑以為不可救之下等動物哉

(0788)

辜者。漲。其。熱。血。更。或。春。風。駘。蕩。郊。原。草。青。各。國。監。獄。例。使。囚。徒。出。外。勞。動。由。深。愁。之。淵。海。觸。自。由。之。空。氣。眼。觀。彼。都。人。士。携。妻。負。子。春。游。之。樂。思。彼。想。此。其。悲。何。極。乃。有。分。外。之。苦。竟。如。中。國。雷。池。一。步。不。得。踰。越。終。日。高。牆。坐。擁。琅。瑯。繫。首。檻。中。放。目。窗。外。短。垣。見。樹。粉。蝶。依。花。荒。苑。滋。蕪。百。鳥。鳴。夕。此。恨。此。身。飛。走。不。若。誦。中。土。太。上。辱。先。之。戒。思。西。人。不。自。由。毋。寧。死。之。言。肝。腸。九。迴。汗。流。浹。背。即。成。湯。夏。台。之。獄。周。文。美。里。之。囚。謂。曰。知。命。寧。能。不。憤。悵。者。哉。

刑曹筆底之歲月判者忍心於頃刻受者度日如長年一旦金風戒秋蓐收整轡冤霜夜降愁雲朝飛汨血所映樹葉為赤草蟲蕭瑟以號寒晚鳥嘹亂以破寂騷人詠將歸之句詞客呵悲秋之筆戴盆望天悉帶肅殺之氣南冠獨坐子然一身遙憶故園之路心飛神游父母兄弟家人相識此時此境寧堪泣訴以幽繫之身當懷慘之節憂至摧腦悲來填膺此渠等對於四時之光景諦觀連想誰不腸斷更其獄內住所巖壁峻削園垣幽暗惟聞鐵鎖之鏘鏘叫喚之喧嘩牢頭禁卒怒目相向沮聲罵聲時衝耳鼓悲鳴惆悵充其四隅嗟乎此何等之慘境哉。

(0789)

吾人本諸閱歷。求諸想像。思之則神駭。述之則魄戰。願與古今囚徒大發其不平之聲。以資斯世之覺悟。庶幾超脫苦海。同登彼岸。而共享天賦固有之權利。

第二節 囚徒必竟有如何之運命

天之罪人公平無私其法雖粗莫之或外老子所謂天網恢恢。疏而不漏。是之謂也。故災罰之伴於罪愆。常如影之隨形。西人葉麥遜 (Emmerson) 亦常闡明此理曰。

The world looks like a multiplication-table, or a mathematical equation,

which, turn it how you will, balances itself.

Take what biture you will, its exact value, nor more nor less, still returns to you.

Every secret is told, every crime is punished, every virtue rewarded, every wrong redressed, in silence and certainly.

(0790)

What we call retribution is the universal necessity by which the whole appears wherever a part appears.

If you see smoke there must be fire.

If you see a hand or a limb, you know that the trunk to which it belongs is there behind.

『此世界如乘算表。或代數方程。無論如何轉之。終不出權衡之外。無論用何數。畢竟無增無減。莫不復於精密之額。

無微不顯。無罪不罰。無德不賞。無冤不伸。要皆冥冥中之固然者。所謂報應。一旦分顯。實不外宇宙顯然必至之勢而已。

見烟之處。必知有火。

見一手一肢。必知所屬之體段。在於其後。』

(0791)

傳記 六

是即佛氏之所謂因果者乎。試望平原黃波漲風稻穗蔽野者。殆非粟麥之種子也。若夫點綴其間青蕪白蒿。又豈出於菽稷之類哉。種惡因者。生惡米果。作罪因者。受罰果。蓋亦宇宙之真理。自然之制裁耳。

彼夫衣赭衣關三木。身幽囹圄之中者。因渠等之罪惡。受刑憲之責罰。其亦接於自擊自得之運命。而無所容其歎息者乎。然彼等不過素法律之規定。犯刑典之不韙。以服刑法上之罰而已。吾人只能謂之法律上之罪人。不能目為道德上之罪人。與社會之破壞者及一般人類之敵。斷難同日而語。試觀古今中外國家的囚徒。如蘇格拉第之斃於毒杯。耶蘇之終於磔刑。孤竹餓死於首陽。信國畢命於元獄。在道德上。而目之為罪人。將可乎哉。渠等實清廉之士。剛直之人。百世之師。人間之父也。更仔細點檢囚徒為之類。別其中或為自由。或為主義。或為義俠。或為仁恤。或為正義。或為信仰。為人後者。因其祖宗為人子者。因其父母殉君上者。死於批鱗殉民族者。終於黑羯觸於法網。蹈於非命。非牢獄中之多數耶。古來無量之志士。幾多之詩人。所為為囚徒歌。為囚徒泣者。正為此耳。

吾人雖無攝倫悲壯之想。韓愈慷慨之筆。然不能禁表同情。抑制熱血。聊呵凍筆。以墨代汨。用傳志士之一觀。若夫監獄制度之改良。獄徒待遇之方法。真有俟於仁人之計畫。進及出獄人之將來。囚徒家族之養育。亦願賢諸同情義之讀者。異日亞東大陸撥雲霧。以觀青天。使五濁惡土。悉變為黃金世界。凡我族類。固蒙幸福。而在囚徒尤為重慶。西諺有言。一輿論者。革命之先鋒也。爰草是篇。以為張本。

第三節 囚徒與忠節

君不見常山太守罵。罵奴天津橋上舌盡。列又不見睢陽將軍怒。切齒三十六人同日死。去冬長至前一日。朔庭呼我弗為屈。丈夫開口即見膽。意謂生死在頃刻。赭衣冉冉生蒼苔。雲時節忽復來。鬼影青灯照孤坐。夢曉死血丹心破。只今便作渭水囚。食粟已是西山羞。愧不當年跳東海。空有魯連心獨在。

此非忠節囚徒文信國慷慨之長句哉。張睢陽之齒嚴常山之舌。乃至蘇子卿之忠節。同屬漢家偉傑之行跡。一垂乎丹青典型。勿替誠濯々乎與日月爭光。率乎與泰山比崇也。此等之志操。千古萬古之天地莫之或容。而皆不能全其終。噫。昊天

傳記
不情。乃吾人所不能爲之曲解者矣。忠節囚徒殆成相連續之句體。謂非悲恨之極限也哉。竊惟天降豪傑志士。必當國家多難之際。故殉身於國難之士多義烈而囚繫於國事之犯多忠節也。是即囚徒與忠節所以竟成爲熟語也乎。此種瑰異奇行。殆爲漢土之生產物。文山後數百年。重丁厄運時。則有若黃道周、瞿式耜者。流亦皆南冠長繫。引頸待死。史忠清公揚城之殉。閩應元氏嘉定之屠。類皆率數百萬人。歿及以報祖宗於地下。而無所庸其屈服。較諸方牽孺氏十族之殉。殆有餘烈。西謬所謂「美果甘實苦於蜂蟻」忠節義烈之夫。不幸落賊種之手。被強寇之縛。遂乃幽囚終身。送日牢獄。得無有類於是耶。

此等偉人其心則苦其名則芳。自吾輩觀之。實人類之美事。民族之光。籠國家獨立之要件也。今之忠於國家義於國民。殉於國難爲人類而死。者果幾何哉。當茲文運開化科學進步之秋。或乃笑古之遺烈爲冥頑固陋之痴愚。斯誠可謂喪心病狂者矣。輕佻之風浮薄之習。日積月累。不加掃除。北京馬前之順民。旗香港市中之紀念碑。殆猶不足他日必有復馮道聖人之號。列張洪範洪承疇諸人以爲四配十哲而

東信國公等於匹夫匹婦。自經溝瀆者。是非淆亂人心。日死是則可爲太憂者耳。亦思國於天地必有與立。而亘諸於其中之精神。曾不外此忠節囚徒之血汨乎牢獄。一日之痛苦實民族萬世之幸福。輕諸已者如鴻毛。重於人者若泰山。用之所趨固無絲毫之遺恨也。吾人悲舉世苦於自利之經營。持自私之主義。而不見有犧牲個人利益社會者。忠節囚徒之名詞。其何得更聯而合之哉。爰述是篇爲昔者悲爲今者望。勿曰囚徒世所僂辱而附以忠節之形容。字則當認爲保國保種之英雄之發祥地也。而何汙焉。

(未完)





獻育

論家庭教育

春秋萬法記於始。幾何萬象起於點。人生百年立於幼。幼稚時代之根基不善。則長大之惡劣萌之。根基何以善。能即生初之靈機。發展之。擴充之。則善。雖然襁褓之兒。精神身軀。皆為軟弱。非依賴父母之顧復鞠育。即不能生存。其何能發展之。擴充之。則發展之。擴充之者。不得不屬之父母。與家人所組織之家庭。先被其教養。漸增其精神之活動力。出而與鄰里人交增其身軀之活動力。徜徉鄉里。應事接物。次第以廣其活動之場。此家庭所以為教育最初之地位。大有影響於國民者也。所貴乎國民者。貴其有自治力。公共心也。夫此自治力。公共心。豈必養之於學校。豈必待之於成年。即此髮齡時代。待養家庭浸之潤之。鑄之。最能固結於幼兒之腦筋。而染成習慣。如飲食。則使知有節。如衣服。則使知愛潔。如寢臥。則使之有時。兒



(0802)

童如此優游於有次序有紀律之下成立之後未有不能自治者矣又如街衢路巷使之勿溺致礙公衆之衛生噫人廣衆使之勿譁以妨一團之寧靜日以善良之德性薰成公德之規模成年之時未有不慨然具一公同之氣象者矣語云少成若天性習慣成自然其斯之謂歟吾國人自治力公共心何以如斯之薄弱推原其故蓋亦幼稚時代之虧損太過也幼兒啼哭貧賤之父母爲之惜富貴之父母爲之憐於是飲食不令有節衣服不責其污寢臥勿令有度則自治之源頭已竭濫溺於途喧譁於室不爲之懲戒則公共之本源已弱噫往事已矣自茲以後吾願我國之爲人父母者大唱家庭教育之旨發達家庭親愛之情使幼稚小兒具偉大國民之資格而已

(0798)

實業(商學)

國際商業政策綱前

自由貿易派保護貿易派二者上所論列不過叙其沿革之大勢及其組織之方法耳至欲於此兩大政策中就其利害得失下一斷定之詞則誠有施之甲國而利至乙國而見爲害者行之一時而得易一時而見爲失者無怪乎東西學者甲論乙駁學說紛紜而莫衷一是也然綜其大體則可剖之如左

(第二)自由貿易之解剖

(甲)長所

(一)世界交通日益綿密維持國際間之和平不起交涉問題能直接間接使社會之進步發達受其影響者莫如自由貿易

(二)交通自由行旅無滯能增進人生無形之幸福與其有形之快樂者莫如自由貿

商學

(0803)

教
育

三

效果與價值第一以父母之爲人及其知識之高下爲比例差次則關於家族之性質及其家人之多少也茲先舉其特點於下

一親愛爲教育之根底世間愛重情濃之地莫過於家庭骨肉之間父母無不愛其子孩提無不愛其親如此霽然和氣之團結爲人父母者宜如何溫其同情涵養兒童之德性耶夫親子一牀一而二而一教養提撕豈容一日或疏苟溺愛失宜則儘爲傲慢之源泉而濁其流矣爲人父母者能勿察焉

二有所有之權利義務凡有應享之權利者吾人不能不略講服從而最能服從之處即最易受感化之處也父母對於兒童既有供給飲食衣服居住等事之義務即有命令兒童統治兒童之權利而兒童亦不能不服從此等之命令與統治此亦理之所必至非徒使兒童無謂之服從以養成奴隸之根性也且兒童既服從父母之命令與統治則父母之施教育於兒童其感化之易殆有如電擊風馳者矣

三熟悉兒之特性大凡不知兒童秉受之特性者即不能施適當之教育故蒙養之善教師集多數之兒童於一學校必須久費時日考察其特性然後能施其教育至

(0799)

於父母始終交通其精神內面固有之性質若馴謹若桀驁固已洞若觀火非如教師之待考察而後能施其教育也

四感化所及之機會多物之感化何自而起起於精神的交際也精神之交際何由而生生於起居之接近也維彼家人與兒童共起共臥同動同食其精神互相交通之處無片刻之或離隨物指導其知識遇事示之以模範感化之機會既多故所受之影響力為獨大

以上所舉特為父母之易施教育說法為人父母者勸々懇々教之養之勿放蕩其義務可也抑吾尤有說者家之教缺乏之子弟一旦驟然就傳於學校則一渾沌未開冥頑不靈之劣性兒即有善誘之教授師亦必有事倍功半之嘆故泰西蒙養教育定課百分其由父母教育者佔百分之七十此家庭教育所以為學校之豫備一日而不可緩者也

吾今與為父母者言之家庭教以修身接物要義則已豫備學校之德育矣家庭教以理化算數淺言則已豫備學校之智育矣家庭教以運動游嬉樂事則已豫備學

(0800)

教育

四

校之體育矣而況課暇歸家在校所受之道德知識技能體操等又何一不賴家庭之隨時隨地隨事隨機指點之解說之發揮之速其發達急其進步為學校之一補助耶今日歐美日本大教育之殷々注意於家庭者良有以也

雖然一國之女子無學一國之家庭教育仍不昌東人有言曰（欲造良家庭須造賢母）拿破崙曾語人曰（幼兒之命運全視其母之智愚何如耳）何者孩提之童母親於父生計競爭男子日逐於外教育兒童母之責也惜乎中國之女子無教育之知識雖有寧馨兒亦不能啓發一二則我中國之家庭教育不得不變通其法將其責任屬之於父為父者其勿忽視乎

(0801)

教育

五



教育

六



(0802)

實業(商學)

國際商業政策續前

自由貿易派保護貿易派二者上所論列不過叙其沿革之大勢及其組織之方法耳至欲於此兩大政策中就其利害得失下一斷定之詞則誠有施之甲國而利至乙國而見為害者行之一時而得易一時而見為失者無怪乎東西學者甲論乙駁學說紛紜而莫衷一是也然綜其大體則可剖之如左

(第一) 自由貿易之解剖

(甲) 長所

(一) 世界交通日益綿密維持國際間之和平不起交涉問題能直接間接使社會之進步發達受其影響者莫如自由貿易
(二) 交通自由行旅無滯能增進人生無形之幸福與其有形之快樂者莫如自由貿

(0803)

商學

易。

(三)文明之母在乎競爭。無競爭必無進步。自由貿易者足以發達乎自由競爭之思想。其結果能使相觀而善。產業改良。十字軍之役。所以有功於世界商業也。

(四)自由貿易剷除一切之障害物。可以去人之倚賴心。與退縮心。而養成獨立自治之大國民。

(五)自由貿易最便於消費者。物品以競賣而愈多。價格以免稅而自廉。孰便於此。

(乙)短所

(一)自由貿易挾一大同主義。置吾國民於競爭激烈場中。而聽其優勝劣敗於其間。幸而勝也。計固為得不幸而敗也。則破產閉店隨之。而吾國民將何所恃以為抵制之方也。

(二)自由貿易為消費者計。則坐享無窮之利益。為生產者計。則招入無數之勁敵。而大受其影響矣。

(三)自由貿易雖不至如保護論者之所攻擊。以為適足以撥國家之根本。然在平時

(0804)

通商政策。尚不見其阻滯之弱點。至不幸而兩國相見於干戈。則其不便不利。殊不可勝言。

(第二)保護貿易之解剖

(甲)長所

(一)強盛之國。當舒展其漲力。新進之國。當培養其實力。蓋百般產業。尚在幼稚時代。從放任主義。則大併小。強凌弱。必有被淘汰於生存競爭中者。發育幼稚時代之產業者。誠莫如保護貿易。

(二)保護貿易。可以使人民增其國家的觀念。而駸駸然有民族帝國主義之思想。蓋國非民不立。民無國不存。內國貿易。分民不分國。故其盛衰不足為慮。外國貿易。民分而國亦分。故其計算不得不周。保護主義。各以其國家之利益為目的。人人有一保護的事業在其身受中。即人人有一國家的觀念在其心目中。此亦自然之結果也。

(三)保護貿易。可以固國家獨立之基礎。何也。自由貿易。苟達於極端。則國民不務生

(0805)

產。而惟以消費者仰給於外人。一旦不測。則外人得以制我之死命。而吾國將失其獨立之資。保護貿易。務發達內國之產業。而潛其無窮之富源。使內國之產業足為吾之供給。而吾國不得恃外國為吾之給供者。一旦有事。雖閉關絕市。處之裕如矣。

(四)經濟政策。信用為先。保護貿易。能使內國發達其產業。而世界各國皆為吾國之投資家。則吾國之信用愈厚。遂具有左右商界之勢力。

(乙)短所

(一)保護貿易適以長其國民驕慢遊惰之風。何也。優勝劣敗。無所惕於中也。

(二)保護貿易適以導其國民倚賴畏蕙之心。何也。進取冒險。無所用其長也。

(三)阻人生之愉快。而障害世界自由之交通者。莫如保護貿易。

(四)工業家需用外品。勞力者利用運輸。保護貿易。果其達於極點。二者必交受其弊。直接間接。其影響仍及於國民經濟。

如上述之說。就論理上之利益觀之。自由貿易實超出於保護之政策者數籌。他日者人文之進化發達日即而日上。交通機關益達於完備之域。打破國民經濟而以世

(0806)

界經濟為目的。自由貿易實行之時代。欲豫期之。非不在吾人意計之中。然今何時也。羣雄對峙。各不相下。而皆莫不由其國家的觀念及其歷史上種種之關係。以定其立國之大計。外國貿易政策。非鑒於一國之地位與夫世界之大勢。而求一適當之方針。為經濟之前途。計其不致產業衰微。金融逼迫。資本家失其利益。勞動者失其職業。使經濟界演出無上之大慘劇者。幾希也。蓋持自由貿易之說者。必其通權夫列國之富厚與其生產力各相等。而不相下。以立論。則可也。若不問其經濟之程度。何如而聽其競爭於對待中。為優等國計。則善矣。其如此劣等國之不旋踵而將為所淘汰。淨盡何也。然保護干涉。則又適足以啓國民之倚賴心。而阻其進取之志。二者將何所適從乎。吾恐理論上之斷定。不及事實上之斷定之為得也。請即歐美之事實徵之。

外國貿易政策。其起源最古者。為通商主義。一日重商主義。又曰重金主義。當歐洲中葉國民經濟漸起。由實物經濟漸入於貨幣經濟時代。十五世紀之末。美洲大陸新出現於世界。其所產之貴金屬多輸入於歐洲人民。益了於貨幣之功用。各

(0807)

國之政治家。焦心結慮。日以吸收貨幣為無上之政策。於是新大陸之沃土。遂為羣雄之逐鹿場。蓋其所以吸收貴金屬者。在此所以供給天產物者。在此所以推廣製造品者。亦無不在此列。強對付外國貿易之政策。咸利用獎勵之法。其於已國之市場。則務驅除乎外國之製造品。而於已國之製造品。則務擴充及於外國之市場。以爲吸取金銀計。其視貴金屬之過重輸入之數。必不使超過於輸出之數。其甚者。至防遏輸入而汲汲焉。以獎勵輸出為務。以他國之金錢厚吾國之富力。當時所定為唯一之政策。無上之急務者。亦時使之然也。

通商主義萌芽於十五世紀之頃。而發達於十七世紀。當時法相哥兒別爾。實為實行此政策之巨子。一千六百六十四年。及一千六百六十七年。新頒條例。以保護其國中之製造業。英國亦然。凡羊毛、製造業、紡績業、以及製鐵事業。無不受國家之保護。以當外界之競爭。

通商主義之最著者。可於殖民地、政略及保護航海業二者見之。中古之世。歐洲各國殖民於新大陸者。領土之競爭。其結果實則為利權之競爭。故殖民地政策。務以

(0808)

採集原料品而銷行製造品為目的。當時若西班牙、若法、若英、若和蘭、若葡萄牙。無不利用此政策。以爭雄於一世。又當時適值大海貿易時代。能獨占航海權者。則占貿易上之優勢。庶足以增進其國民之富力。此英之所以奪和蘭之航海權。而有名之苦魯威爾之航海條例。所以極力從事保護航海事業也。

極盛之後。反動易生。十八世紀之中葉。遂為通商主義之末路。自由競爭之利益。倡其說者。始於法之克列氏。英之亞當斯密。尤能大成其說。使無疑義。其所著之富國論。中至以通商主義。目為卑劣、凶惡之政策。排斥不遺餘力。今摘其要點如左。

一、凡貴金屬。亦不過商品之一。其用途有限。若使輸入品中盡屬此數。飢不可食。寒不可衣。必非一國之利。

二、輸出輸入。具有天然之權衡。存乎其中。國家無論如何獎勵。如何限制。必不能使輸出之數常超過於輸入之數。

三、貿易輸出入之差數。與國際間出入之差數不同。

四、貿易之有利於一國者。必其我所得之貨物。其使用價值較多於我所出之貨。

(0809)

物之時
商學

準此原理。學者之間。鼓吹自由放任主義者。幾於風靡。全歐且當時政界之風雲。十八世紀之末。英國誤於對美之殖民政策。以致有合衆國獨立之戰爭。於是政治上之自由平等主義。一倡百和。相靡成風。自千七百八十年至千七百九十年。十年之間。舉從來國際貿易上之苛稅及禁止之弊。一以掃蕩。廓清爲目的。於是締結通商條約之制。起貿易政策乃漸趨於自由主義。迨至法國大革命之破裂。歐洲諸國悉舉而投於戰亂之旋渦中。以財政政治上種種之關係。各以其利己之野心。欲不保護其產業。即不能立足於競爭之場。此所以通商主義雖絕迹於世。而保護主義仍相代而起也。

(未完)

(0810)



實業(農學)

續前稿

壤土者多硅酸泡沸石。乏純粹粘土。故無滲透性之物質。比粘土易分解。其性質亦較粘土所含之養分稍少。收力頗微。然混有塵埃砂等。是以太氣及水之流通。亦無窒礙不相宜處。至于種作。無論何物。不宜于栽培者。蓋鮮各種土壤性質中。當居第一等位置。

泡沸石土。此種土壤。含有不滲透性之物質。殆與粘土匹敵。故太氣及水之流通。多不便利。吸收力亦甚富。濕潤時則容積增大。其比重甚輕。所以風易爲之飛揚。凡平原地。由凝灰石而成之土壤。即以此土壤爲標準焉。

石灰土。土之分量甚重。即由碳酸石灰而成者也。含有多少粘土及砂等。並含有碳酸馬苦烈西亞。及碳酸石灰焉。較所含之粘土過半。所吸收者。爲水及磷酸類之

(0811)

農學

力居多。若施用肥料于此種土壤中。非多有機物者。不可。良以土中所含之有機物質。多被石灰分解消去耳。

砂土。砂土由九〇%以上之砂而成。此土壤之有豐饒力與否。全關係乎砂質。彼由長石及角閃石等所成之砂石。鮮利栽培。若多含石英砂及雲母等。地雖不饒。猶利于山林。蓋水之滲透甚速。乾燥亦易。故質軟弱。而便于耕鋤也。

礫土。礫土有含細微土與不含細微土二種之差。其細微土由石英砂而成。僅足供圃田之用者。不在此限。其礫子之粒甚粗大。並含有肥沃之細土者。則地必豐饒。其滲水宜。引熱之力亦富。然礫土亦有病處。何病乎。既名曰礫土。則其吸水之力必弱。吸收養分之用。必鈍無容疑也。

土壤之成分。凡土壤之成分大別爲二。一曰有機分。一曰無機分。有機分者。主植物之根莖葉及動物之遺產物等。腐敗而成者爲一部分。又由人工所施之肥料。發散而成者。爲一部分。是皆屬有機分之成分也。無機分者。主岩石之崩解。及動植物質之殘留而成者。則屬無機分之成分。

(0812)

將有機分之成分而細別之。又分有窒素。無窒素。二種。有窒素之有機分。即腐植物質中之有機性窒素物也。凡所含動植物質之蛋白質類。由土中分解而化生。其分解中。一部變而爲安母尼亞。遊離窒素等。又一部變而爲不可溶液之態焉。大抵土壤中。有有機性窒素物者。直接之。可以爲植物發生之用。即間接焉。亦可爲植物滋養之資。無窒素之有機分者。凡植物質埋沒于土中時。漸次腐敗分解而成。爲腐植物者是也。其生成之際。土中並含有水炭素及糖類等之物質。與植物中。之有機酸。變而爲一部分。此種之有機分。其性質有能溶解于水者。有能溶解于苛性加里者。有萬不能溶解者。各有區別。總之窒素富者。則土肥。窒素乏者。則土瘠。此有機土壤成分之大概情形也。

土壤之無機成分。由礦物質組織而成者居多。如硅酸(砂)礫土(陶土)石灰。磷酸。硫酸。波之達斯。曹達。過酸化鐵。馬苦烈西亞。鹽素等。是也。是等之組成成分。由土壤而各異其分量。惟砂陶土石灰等。于各土壤中。所占猶多。其分量每達九〇%以上。故土壤之種類名稱不一。大都視乎此三組成成分而定。外若各種分量。則從其多量之

(0813)

物質。而別其種類焉。

土壤之性質。土壤之理學的性質。亦質物生長之一大關係也。如種子之發生。枝幹之成長。根莖之伸張。養分之吸收。發達之充分與否。均視乎土壤性質為標準焉。畧述于下。

粒類之粗細。土壤之粗細大小。各不相同。大者謂之礫。粗者謂之砂。細者謂之粘土。或謂為細質物。若砂礫土壤多粗粒。其土質輕鬆耕作雖易。而保蓄實難。故水與肥料等物。凡屬液體氣體者。均不免流失放散。反乎此者曰粘土。若細質物過多。則難于耕作。植物根莖亦不能伸張。且保蓄之力過強。雖有陽光而溫度鮮能透者。大氣亦絕不能流通。故有妨于化學諸變化。斯類土壤。亦植物中所不甚相宜者也。

重量。土壤之重輕。由所含之化學的成分而定。即如含硅酸及石灰質者。其量重。含硅酸礬土及有機物者。其量輕。設盛石灰砂于一立方尺器內。重可達十三貫。若盛粘土則僅達八貫焉。至泥炭質之土。則僅三貫半而已。質之輕重。是亦不容假

(0814)

農學

六

成分。特性欠缺處。前既述矣。茲僅就肥瘠之原因。述其大要如左。肥沃之原因。或成自天然。或出自人工。原因不一。天然肥沃之土壤。主母岩之組成。其肥沃之原質。又由礦物細粉漸次風化作用。分解溶解之故。其肥力較他種為永久。人工之肥沃。多美給于肥料之養分。及耕耘灌溉排水之勞力。故其肥沃僅能極一時之盛。所以產額雖同。而區域各異。此亦當知所區別矣。瘠惡之原因。每由化學組織之不完全。理學的性質之不純良。如窒素。磷酸。波之達斯。以及硝化作用之欠乏。氣水流通之過不及等。皆是也。又往往有害于植物之酸類。如礦物酸等。所存過多。均為瘠惡之原因矣。其他如鹽素若土類。無論如何成分。其所存之量。若過可溶分焉。則土壤之溶液厚。此即植物之害。亦肥沃之損也。

(0816)



經濟

普通經濟學

論貨財 Goods

人類之慾望。不能虛而無所附麗也。必有所以充之之具。貨財 Goods 之於人。力亦大哉。然貨財之為物。古今來經濟大家。有因觀念不同而解釋亦各異者。

羅霞氏曰。貨財者能充人類正當之慾望之物也。氏蓋痛心疾首於橫征暴斂。侵

漁盜竊者。流以其背義叛道。謂之非正當之慾望。因謂彼輩之所奪得者為非貨財。

仁者之用。心未始非不厚矣。然論經濟學之原質。而欲混合倫理學心理學之厚質。

一鑑而治之。究不免蛇足之嫌。氏之分慾望為三種。與論貨物之用意亦同。然究不

能堅持其說也。於其奢侈論中。仍指奢侈之品為奢侈之貨物。其矛盾有如是者。況

有時同為一物。不能因其得之之道不同。用之之的不同。至理其彼是而此非。則其

(0817)

借矣。

罅隙性。土壤之罅隙性。即土粒間所存之孔隙也。此性富。則宜于大氣之流通。萌芽因之而發生。根本因之而蔓延。此所利于植物者也。然過多則亦有害。

吸收力及保蓄力。吸收土壤之液體及氣體。且保蓄之。此等力于粗鬆軟膨之土

壤中。則其力弱。于緻密旋剛之土壤。則其力強。其力每因土壤之種類而異。概言

之。粘土最富。礬土次之。壤土又次之。砂土又次之。又土壤中多有有機物者亦然。土粒

細微者與粗大之土粒相較。其力強。總言之。有有機物之土壤其力富。如水酸化鐵

粘土。壤土。砂土等漸次而下。皆所以利于植物之生長。有吸收保蓄之力焉。

滲透性。滲透性者。能滲入雨水于土壤之下層者也。土壤粗鬆而多孔者。滲透易

純粹堅密而無空隙者。滲透難。如純粹之粘土。則為最難者矣。


然以理化學之變化。混以石灰而得變為良土。則粘土亦有時而能滲透。固未可拘一例以論也。

土壤之肥瘠。土壤肥瘠之差。一由理學的性狀。一因化學的組成。土壤之性質。及

農學

五

說之失當。固不辨而自明。近世論者。聚訟紛紛。至其在經濟學界中。最有勢力者。莫如德意志派之分類法。今列示其表而折衷之。



觀此分類。舉凡宇宙間可以供人類慾望之用者。無不網羅畢具。而分配明晰也。但不能不有所出入者。貨財者皆發見外部之物。內部云者。固尙藏之吾人之身。無所

(0818)

經濟

二

利濟於斯世也。強者袖手以終日。智者避世以鳴高。如瘞寶藏於地層之底。穀乃誇耀於衆。曰。此貨財也。其誰信之。苟強者用其強。而智者盡其智。勞心者可以之。易貨財。則此以之易者。固不可謂其非貨財。然既發見於外。已不能謂之爲內部。是內外之分。非必要的也。

自由貨財。與經濟的貨財之分。又屬無當。經濟學之足。稱爲貨財。必具壓人慾望之特質。慾望者固因空乏之感情而誘起者也。空氣日光。何以能生吾人不足之感情。蓋其曾被於吾人之地球者。既無需於購求。亦不能據爲獨得。誠自由矣。而適與貨財之性質相悖。至沈海底者。取空氣輸之於潛水之器。勞力機械之費。不能不有所與。既有取與。已形成爲經濟的貨財。又安得謂之爲自由。若水亦然。汲泉勺流。誠無所償。然熙攘之繁。市大興水道之工。自來水。寥闊之沙漠。難免攜載之費。至於土地之在今日。除強國侵吞。多財購取。或賃租之外。亦無自由占有之法。蓋自由與經濟的。襍變而不能分。即使能之。而其稱爲自由之物者。與空氣日光。已不能謂之爲貨財也。間有狃於世俗淺近之見。專指表中有形貨財爲貨財。外乎此者。皆非焉。其說亦悖。

(0819)

經濟

三

於學。理而大謬不然者也。夫圖書因有形而爲貨財。爲師者之所講授。因無形而非貨財。則圖書者豈徒紙貴哉。不過無形之理想。表示之於文字。遂以增其聲價耳。樂奏繪事之屬。亦莫不然。特有形之說者。固自相矛盾也。究之經濟學之得謂之爲貨財者。皆指經濟的貨物。而所謂經濟的貨物者。固無俟內部外部有形無形之強分。凡可供求可占有之物。其足以壓人類一般之慾望者。皆是。

論效用 Utility

壓人類慾望之貨財之性質。謂之爲貨財之效用。Utility 凡貨財必有效用。無效用者必非貨財。但經濟學之所謂效用者。與其他各學。有相異之旨趣。倫理學者曰。金玉錦繡之類。皆虛飾無當之品。不足供斯世之取求。然經濟學異是也。其物既爲人類所欣羨。對此欣羨。即不得謂非是物之效用。生理學者曰。煙酒之害。其毒人身也滋大。焉能指所害者而謂之爲效用。經濟學則又異也。其物既爲人類所嗜好。好。對此嗜好。亦不得謂非是物之效用。

(0820)

經濟

四

物理及化學者。研究物之效用。就物之絕對的性質而下斷語。經濟學者之論效用。不論其物之性質若何。成分分布若何。專自物對於人之關係所發見之形狀而言也。色里邪曰。效用者非指凡物內部性質之謂。物之對於吾人。所有痛苦愉快之關係之謂也。故物品之堅脆。內部之性質也。至經濟學之所謂效用。或愈堅而效用愈多。或愈脆而效用愈廣。有色無色。亦物之絕對的性質也。然或因有色而始貴。或因無色而始珍。鑛物之封積於鑛床。雖有連城之璧。夜光之乘。亦如未收穫之禾。不能充吾人之慾望。則其效用不顯。夫固不能如理化學者。就物之絕對的而論其效用也。經濟學之所謂效用。其相異也如是。至謂同一之物。即於吾人有同一之效用者。亦誤。涓滴之水。爲人生所必需。一日而數升。則身命繫之矣。一日而數斛。則日用足之矣。乃積而爲淵泉之淵。乃積而爲浩瀚之海。則效用遂失。陳倉之粟。爲人生所不可缺。一日而數合。足以免菜色之憂。一日而數升。將羣衆果腹之。歌。浸假千倉萬箱。馴至紅腐。直贅物耳。效用何在哉。故知效用者。非徒因貨財天然固有之性質。實原吾人對於貨財之慾望。因時因地。互相關係而生者也。

(0821)

經濟

五

效用之理。類別而觀之。而其義更晰。

(甲) 全部效用。一日之中。飲食日用之量。一年之中。住地之所需。統全部而供之。其對於吾人。謂之爲全部效用。

(乙) 部分效用。一日之中。週時之消費。一年之中。四時之消費。各分之爲數部。其對於吾人。謂之爲部分效用。


夫效用既可分。則既分之部。對於吾人之影響。有互殊者。今列圖而解示之。截取接解之意。繼以明晰之解。使閱者易於研索。原圖解見日人田島氏最近經濟論。翻譯世界有譯出者可參照。

上圖橫線自一至十。爲生養必需貨財之部分。自壹至拾。爲超過生養必需貨財之部分。縱線甲乙等字。示貨財效用之烈度。如最初部分之一。其效用之度爲癸。漸進而至於十。效用之度。高至於甲。蓋吾人生養之所。需減其一。焉。部分效用之度爲癸。癸身受之苦甚微也。減其二。焉。其度爲壬。身受之苦猶不覺也。以次遞減。度亦遞增。減至於十。效用之度最烈而爲甲。所謂一勾之粥。苟延殘喘者也。并十而缺焉。饑餓終日。不崇朝而斃也。反乎是自一至十。全得而享用之餘。增至壹。焉。所增之壹。對於所

(0822)

經濟

六



有。幾視之爲不足重。輕。故效用之度。減而爲乙。增至貳。焉。對於所。有。更愈覺其爲身外之長物。故效用之度。減而爲丙。以次遞增。度亦遞減。增至拾。其效用將至全失。綿格氏稱此部分效用。爲限界的效用。Marginal utility 者。良有以矣。

是故貨財之限界的效用。貧富各侈之。間。其相懸蓋不可以道里計。貧者吝者。終歲之事。畜。不過富者侈者一席之供。給。五斗之米。在此則效用甚大。在彼則效用甚微。因地。因時。因國民文明之程。其致用亦各異如是。故論貨物之效用。

(0823)

七

者。既統全部而測之。尤當即部分而別之者也。

經濟

八



(0824)

植物學續第三期

理 科

氣孔。生於空氣中之植物。其表面皆有氣孔。中通空氣。自表面視之。多成橢圓形。亦間有成圓形者。由半月形之兩細胞合成。中稍大。曰呼吸腔。外氣由氣孔入者。均由此腔達於各部。計膜之內。外兩側稍厚。側面較薄。其中含水多時。漲力盛。故其口閉。水少時。漲力弱。故其口開。而內部與外圍氣體之出入加減。亦基於此。又含有綠葉體與澱粉粒各種。雖與表皮細胞不同。亦其變體也。普通氣孔與表皮。概成平行線。然亦有與較高者。亦有與較低者。氣孔細胞之外。復有具薄膜成細膜狀而又與表皮細胞異者。曰副細胞。蓋其職於氣孔細胞之一開一閉。專司補助。原氣孔之所。以生。初由表皮細胞分裂成副細胞。繼由副細胞最後成之氣孔母細胞。再分裂之。而半月形之兩細胞始成。不問葉與莖。均帶綠色。實空氣中器官之一。花亦有之。根

(0825)

理 科

一

則全無。最多一平方米立秘達。一平方秘達萬萬分之一。有密至七百者。尋常草木葉。大都裏面多於表面。中立葉則兩面相等。其他水草半浮於水面者。僅表面有之。裏面缺然。水孔。形與氣孔相似。亦由半月形之兩細胞合成。氣孔含氣。水孔含水。故其名亦因之。普通植物。其水多含炭養石灰。此水乾時。於孔之周圍。往往見之。無內容物。亦不時開時閉。所以異於於氣孔者在此。

毛。毛亦表皮之變形。有由一細胞成者。有由數細胞成者。一細胞中。復有根毛。綿毛之別。根毛即不必用顯微鏡。可一望而知。綿毛更長。有至一寸八九分者。刺毛。惟其先端最健。其先端狀類小帽。去之則尖鋒愈露。中藏蟻酸。觸之頗痛。原毛之全部。其折數細胞中有聯成一列者。有先端較大者。有成橢狀者。有成星狀者。蓋其形質與其部位各異。或以之防寒濕。或以之播種子。殆無一非無用者。刺。刺亦由表皮細胞結出。特其形稍大。有維管束貫入其中。故尖端時見甘液分泌其上。若垂露然。小蟲粘之。即溺而斃。又有形若繡針者。無一定之位置。與毛之差

(0826)

別甚易。

皮目。植物表面於氣孔之外。別有小孔曰皮目。亦為傳達空氣之用。櫻樹之膚多有之。其內部有由角質細胞。結成之褐色粉粒。至冬時常填塞其間。以上所論表皮系。其細胞既一層數層不等。但以多漿植物為最。試以其葉之斷面注目熟視之。即可了然。雖遇旱魃。能抗之不為患。亦謂之貯水組織。

第二維管束系。此系通由纖維而成。為傳達液汁之通路。諸植物體中之骨骼也。一為木部。一為篩部。木部主運水。導管假導管屬焉。篩部主運蛋白質。篩管屬焉。木部中復有木纖維。其細胞兩端尖而多木質。缺內容。視假導管遙長。中亦通水。此外復有柔膜細胞。膜亦含木質。屬於根者。富於原形質。無木質。至冬蓄澱粉粒尤夥。篩部中亦含柔膜細胞。與木部之柔膜細胞相當。密接篩部。原形質與澱粉粒亦如之。但決無木質。橫斷面成多角形者。曰隨伴細胞。所出之母細胞。與篩管同。壁膜接處。仍多膜孔。惟含原形質兩無澱粉粒。更有一種曰韌皮細胞。兩端尖兩膜甚厚。多含木質。亦即木部之木纖維。總之篩部於要素中。占最外部。均以機械的為保護各體

(0827)

之用。勿論何植物皆然。雙子葉植物。植物之種類不一。根部間羣束相合。尚不失為單圓柱形。至莖部葉部。則各從其類。今試以松柏科之莖葉斷視之。維管束殊出於中心之外。周圍聯絡。若葱竹然。且於分枝各處。入於葉軸。其數多寡。以單葉複葉為準。是謂又生。蓋一束中。於此於彼。以次遞入。條分縷析。不稍紊亂。由葉軸復分無數細脈。布於葉之全體。其配列於莖幹間者。分內外二部。外為皮部。內為髓部。維管束聯絡之間。髓部於皮部。初仍牽入其中。相續不絕。日射出髓。惟當維管束剛發生時視之判然。速後容積漸增。遂為所沒。不復見。

(未完)

(0828)



時 評

內治外交二大爭鬭時代(譯太陽報)

我日本固建國以來二千五百六十三年之一大帝國。而此最近十年以前。所謂「不聞於世界」者也。世界之目吾日本者。亦不過謂支那朝鮮等極東蠻邦之邊。矮身短軀之人。以骨董玩具之生產地。作此毡衣革履之形容。已耳。迨明治二十七八年間。對西鄰朝鮮。挫支那極東之霸圖。而日清戰爭之端以起。是役也。固紹介我日本帝國於世界競爭之點者也。於是我老大帝國之日本。遂以日清戰爭之鐵與血。得以表現於地球競爭舞臺之上。

其所謂表現者。果何如耶。曰我大日本帝國者。內則以天賦人權之自由立基礎於憲法政治之下。外則與英帝國同盟以維持東亞平和之局。而我日本帝國遂得與世界列強享平等之權利。雄視東海之表。

(0829)

其民族發展之方向。遂厚集潮流於亞細亞大陸之上。我大和民族。亦世界生存最有利之國民。今人口繁殖。年增月盛。其亦將競波濤於亞洲中原之旋窩中乎。然有未可一例視者。矣。哥薩克兵。蹴馬東來。勢力洶洶。氣吞東亞。與我日本有密接之關係。彼支那人民。鼾睡若。不聞我四千五百萬民族。縱不能鞭之使起。又豈可袖手旁觀。而不之問乎。試將俄國民族發展之由。國力擴張之實。爲我大和國民一研究焉。

俄國之人口。在千七百九十六年。只三千七百萬。值千八百五十一年。增至六千八百萬。及千九百年。且一億二千九百萬矣。此彪大俄羅斯人口之增加。五十年間已約一倍。是豈彼之人口。獨膨脹如是其速哉。大半吞服弱小所致也。俄在亞細亞方面。於過去三百十八年間。一年平均計之。拓有二萬六千四百五十五方哩。因而併吞其新人口。此其民族之發展。散布東亞上游。日甚一日。是後果能與我日本民族之發展。擴張共生。存耶。抑勢不禁衝突。遂爲二國之前途。耶。是則余觀現時向外之所謂國際的鬭爭時代也。

(0834)

俄國之地形。橫跨歐亞。西自芬蘭波羅的下。至黑海裏海之峽。與阿富汗斯坦之山相連。由是以走東北。則沿支那之蒙古沙漠與滿洲朝鮮接。占地球陸地六分之一。其大陸廣土之前後左右中。自然民族之發展。決不能四通八達于世界之各方面。夫俄自然之發展力。既無所施。不得不轉向各方面。而用其抵抗力。其西方隔波羅的。以有獨國英國。不得逞其超海之野心。下則黑海。所謂國際的鎖港。一棹亦不能搖南坐。地中海其同盟之佛國。寧招俄人出其東岸利本方面。憑隅而立。于敘利亞巴拉斯泰。迷蘇波他米亞。以生希冀。顧英國於地中海紅海已布拉他爾馬他。賽滿拉司。埃及。蘇彝司。雅典。之要地。又牛查旗所翻之處。細細利馬他。以東。地中海雖廣。俄人不能染其一指者。天命也。況意國地理與佛國之關係。又德國之近事。於小亞細亞土耳其發展國策上。反對俄國甚明。否則俄國突貫地中海矣。其黑海之達迭列爾。頗斯甫爾之國際上。鐵門全不可破。則俄國對此方面南下。亦屬無望。然則更出波斯灣乎。俄勢足以征服波斯否。不然則不外布設迷蘇波米亞之鐵道。而此實英國東洋往還之門戶。雅典與亞拉伯沿岸對於印度西方。是國策上俄人亦必化

(0835)

黃梁之一夢已。蓋陸之制海。地理稀有之例。亡布拉他爾。蘇彝士。巴拿馬等。海常制陸。從歷史上之原則也。無海之俄國。其民族之發展。須出口有海。而後延領土者。俄人之大法。典也。而如上所述。各方面俄國無可發展者。其可發展者。僅有東亞方面。與日本最密接之黃海。於是乎日俄發展之前途。遂宜論矣。

追想五十年前。俄國發見黑龍江開尼古來費斯克港。迄八年之後。自惟梭里之西岸至海濱。即併東西伯利亞黑龍江一帶。更後二年。全有滿洲海岸之惟梭里洲。所謂於紙上制定俄清國境者也。俄人初得於支那國內行商旅行之自由權。最近二十年間。測量隊地理學者。軍人旅行。所費不下千萬。俄人雲集滿洲。所謂加西尼條約也。於滿洲鐵道布設權。於滿洲外寇防禦權。對清國交讓遂租借最近之大連旅順。遂定爲出東海之軍港。滿洲之沃野。實一變爲俄國囊中之財寶矣。近則於黑龍吉林盛京三省。通全滿洲。橫亘千五百里之鐵道。沿道所營兵營洋館。市店櫛比。有公園。有電燈。三百年馬賊橫行之滿洲。一旦實爲宏大莫斯科神託之

(0836)

俄國都城。而此千五百哩之鐵道。每三哩置鐵道守備兵。今名國境守備隊。現已及三萬之多。一開釁端。則貔貅數萬之可薩克兵。直入滿洲全部。取而納諸版中。一反掌事耳。俄在滿洲之現象。既如此。吾等所憂。實非滿洲與朝鮮相接耶。我對於朝鮮外交之方針。如今日之悠游。不斷吾恐難。林八道不出數年。必爲第二之滿洲。於是吾等之解釋問題。當先決此。俄人既領滿洲。朝鮮之獨立。即我西隣之外屏。不可不全力維持。扶植而以吾所見。勿論滿洲入於俄領。其與朝鮮之地理關係。非我等之好處。即我等扶植朝鮮。完全獨立於我範圍之中。誓八道坐卓之傍。不許他人鼾睡。設滿洲事實上已爲俄有。滿洲以外。俄又發展極東方面。以遏我民族發展之進路。而實行彼占領滿洲之策。此最有害于東洋之平和者。非促令其實行撤兵不可。無此決心。徒抗議于老大病夫之清國。據俄國撤兵之宣言。以爲得計。是真所謂無責任之閣臣。視國民爲兒戲而已。夫俄國外交上。行之不一。致非其特獨之慣例。耶。凡我當局者。于俄國去年十月八日第一撤兵期以來。未嘗對之籌一善後之策。始以口舌

(0837)

相爭。今且拱手不問。平生所講。果何經綸。耶抑彼俄國之宣言。言在事實上。果有如何價值。歷史能示之乎。蓋俄國之外交政略。所謂機會黨。而非輕薄之機會黨。乃執拗之機會黨也。即敵國弱則戰。強則中止。一時苟更有新機可乘。殆寸毫不能假借。如拇拉皮夫伯寇取黑龍江。清廷詰其涅爾臣斯克條約之違犯。彼答曰「因黑龍江畔有火急之運漕。用未遑顧及條約」。現如伊格拉夫將軍其秋巴。薄巴拉之探險中所宣告曰。威服蠻民之途。唯恃腕力。甚則英國向俄國問其蠶食秋巴之意。俄之太守修巴羅甫答以「占領秋巴俄帝並不念及」。及觀其勅令則全反之。明明有永久占領之訓。其舌根淋漓中帶一種狡獪氣象。甚至令出二百萬圓之償金。更下令可屠殺戰中一切老幼男女。並申亞亞征服中屠武裝之敵八千人。有名之西科龍羅甫令於軍中曰「強擊則平和永續。先強擊以全力抗敵而後遂加以慈悲。凡俄法應如斯」。云。今印度太守卡子氏於俄國官吏出國境之先。對奏專斷的功名者。必舉贈勳章之實例云。「俄人勳章比德義重」。現如巴母伯林條約自由港條件先未明言。條約締結之後。俄國宣言於列國中止之以為軍港。乃已有近日

(0838)

旅順大連之租借問題。又拇拉皮夫伯翻弄英國大使奧列爾氏於掌中。往復文書。皆不記憶。蓋亦此類耳。去年十月八日至今年四月八日。俄國宣言東三省之撤兵。其實不過集各地之散兵于大本營。俄之實行佔據政策。當日已在人意計中。今又何煩深辨。彼在滿洲於三省支那兵士之武器。悉烙以俄國之刻印。火藥器械之運輸。監督稅關之出入。無一不攬之掌握。加以藏相維鐵經營大連灣為之喉港。如泰晤士之社說所論。「滿洲者俄最早有之。滿洲為俄有雖不利於支那皇帝實利於支那人民」。我同盟之英國且公言如此。而我猶漫依俄國撤兵宣言。調查真偽。報告於在外公使是何賈。然之至。是耶英國交涉云云等之世評。果如此否。我外交官之神采。遲鈍緩慢。余欲以此於十七議會中對政府質問其方針。不幸議會短命。僅及半歲。今日我政府茫然拱手。眼中復如無滿洲問題。最近四月八日。俄國亦名義上之撤兵。無踐言之實跡。據道路所傳。今之為賢明小村外相者。俄然有暗中之飛躍。是有哉。外相向於俄清兩國要求三條。一鐵道守兵之限定。二重要都市之開放。三於滿洲關於我邦人生命身體及財產上之保證。開始交涉。是有哉。是

(0839)

有哉。鉄冷却矣。雖擊之亦無聲。然庸非謬所謂。雖遲而為猶勝不為耶。余以為大有要者。現內閣對此滿洲問題。一面如此為開始交涉。一面向他方求日俄衝突之緩和點。是也。衝突之緩和點者。何哉。無他。即朝鮮之問題也。蓋於朝鮮我歷史的關係言之。朝鮮今日之經過。第二之滿洲。未來之雞林八道也。俄國極東二軍港中浦鹽斯德者。其一年中。結冰三月。自不能為良軍港。而遠隔旅順。經營亦未就緒。旅港可與浦港聯絡。向朝鮮之南端。俄國一意專心求新軍港。是實盟於天地。俄國民族發展之起誓文也。懸想俄國。築基礎於滿洲。後巨人第二之槌。必向朝鮮而下。其得朝鮮。則與失朝鮮則亡。恰與古歷史羅馬與加爾迭爭霸權於地中海。上其衝突為西西利島。朝鮮者實日俄興亡之西々利島也。得朝鮮者為羅馬。失者為加爾迭。而於朝鮮見日俄外交之現況。則我刻下之大急務。京釜鐵道也。今後。尚須十年之歲月。方能奏效。其他如京義之線。如營義之線。國防上之經營。寸毫不聞。況其經濟上之經營各種商業

(0840)

上之設計貿易。金融機關之準備。日清戰後。我等同胞國民。於朝鮮不得生命財產之安全。其實例不暇枚舉。現時狀況。全恃日英同盟。促朝鮮認識我政治上之地位。而經濟上之地位。則日俄協商之然。此數年來。俄國跳梁滿洲。必不遑他顧。我日本不于今日對朝鮮力求進步。以高我外交之價值。徒揮長竿。釣半天之孤月。甚且發齟齬。無算之抗議。嗟乎。我等日本國民。向後欲膨脹民族發展。國力擴張之方面。向世界何地求之。嗟乎。近年我人口之增加。與布哇北米南濠等。所謂自由渡航之殖民法次第散步於世界。有二千五百六十三年之歷史。我等恰如猶太人為民族發展之主動力。散亂寄生於世界各方面。是則雖民族發展之可喜。而實國民散漫之可憐也。要之於滿洲。俄兵實行其撤退。則我等於滿洲。俄國對一切之資產。立與以安全保障之地位。不然。則戰利品之外。決不可永久實行。唯夫朝鮮之問題。則不然。俄國今日其羽翼尚未伸。東亞之極端。可薩克之鐵騎。尚未越長白山以前。而為平和之保障我國民之兵力。海陸共皆充實。今日一舉。萬修我國對之以外交的方法。向俄國

(0841)

認政治一切勢力之撤退以我等之獨力講扶植朝鮮於永久斷不可使鷄林八道空爲羅馬所有之東洋西々利島則我等日本國民之民族發展國力擴張上庶不至于失亡而爲太平洋中之一加爾迭乎。

抑余非以俄國與惡黨同食宜爲預防之計而大聲疾呼之也。唯以立憲政治之下乃竟有對於國民無直接政治上之責任之政府者。所謂千古一時之機而外交必欲失之不能已於太息者。此余所以於二千五百六十六年間關於有名譽之老大大歷史徵我國之現狀對於內稱爲憲法之門爭時代對於外稱爲國際之門爭時代者也。

(0842)

時評

十四



小說

天半忠魂

西曆一千八百五十九年。法蘭西與伊太利之同盟軍。爲助隣邦龍伯德獨立。率鐵騎數萬。堂堂正正。直指歐北平原。幾摧怨敵奧太利國之膽。先小戰數次。十月望日。再與奧軍連戰於鎖弗亞利及桑麻壘。大挫敵勢。後同盟軍中有一隊薩魯芝騎兵。素稱精銳。即當時軍中先鋒也。一日天尚未曉。月色朦朧。整列戎行。猛聽得士官一聲令下。全隊士卒。即隨着號令。尾音不先不後。一齊前進。

指揮騎兵隊者。有一個士官。一個曹長。方交鋒時。離敵軍最近。馬皆啣枚。士卒互用暗號。先察地理。並四面形勢。只覺野風淒愴。毫無人聲。遙見前面一座森林。直向該隊現出。午前十一點。已離出發地十數哩。來至一村落內。周圍樹數本。亭亭立於數間茅屋之外。枝枝交互。盤旋如龍。猛見樹下有一少年。佇立不動。年約十歲。色蒼

(0843)

小說

眼清冷利。可憐手執小刀。不住剝木枝之皮。未知是何用意。

原來此地離敵兵既近。居民皆向他處避難去了。薩魯芝騎兵隊到時。四望。惟見一家窗外。插出一枝旗竿。繪着本國旗號。三角形。色隨風翻舞。氣勢森然。有一種不可侵犯的樣子。四鄉寂莫。人蹤消絕。自非劍客。孰不魂消。何物少年。猶能閒暇。自如作此戲弄。方大隊臨近。馬蹄得得。刀劍憂憂。少年回頭。看見一隊騎兵。猛將手中所拿樹枝。放在地下。右手脫帽。高叫一聲。萬歲。騎兵隊一齊看去。乃是一位。顏如桃李。冷若秋霜之勇少年。金髮齊眉。被風吹得。根根堅起。短衣窄袖。膚如雪色。眉目之間。另露有一種愛國精彩。

騎兵隊中士官。乘馬來至少年面前問道。那少年聽者。當此兵荒馬亂。不跟着父兄避難。獨自一人。在此何幹。少年徐徐答道。我無父母。無家族。一個孤兒。聞聽此處將有戰鬪。持爲不走。看熱鬧的。士官道。爾既是這邊的人。定知道這邊的形勢。奧太利的兵。可曾來迎少年。答道。沒來。這兩三天。無一人來過。士官聽罷。默然許久。忽然下馬。令兵士站定。獨自分縱身跳在茅屋頂上。四面觀看。那知鄉村茅屋。都不甚高。

(0844)

小說

二

不能遠望敵軍。只得一面跳了下來。一面獨自說道。要再高點就好了。

士官一面說着。一面來至樹底下。仰望樹梢。忽忽如有所思。原來那樹甚古幹。周圍三抱。枝枝葉葉。蔓垂四邊。其梢直插天空。士官沈思許久。回頭對衆兵士說道。隊中有人能上此樹的沒有。衆兵士面面相顧。一個個暗想道。如此大樹。又無攀援落足之處。這樣的難題目。那個敢做。士官看見如此情形。知道無益。猛見那美少年站在一旁。似欲開口說甚麼似的。士官不覺問道。我看爾敏捷。捷像猴子的。般。爾何不上去看看敵軍動靜。但是不知道爾的眼力怎麼樣。少年聽說。當時那冷冷然如花似玉。可憐可愛的小臉兒上。忽然現出一種愛國熱潮。侃侃答道。飛鳥在數里外。我還能數得清楚。他的翎毛呢。何況大隊敵軍。士官喜道。既然如此。這次獨立大功。就奉託爾了。爾到上面若看見奧大利軍隊的動靜。就趕緊大聲通知我。若看見砂烟。或是火光。內中要有騎高馬穿白戰衣的人。也要趕緊招呼。別害怕。莫忘了。拜託。拜託。少年正色答道。那個自然。士官道。用甚麼東西褒美爾呢。這個金表怎麼樣。少年笑道。軍官休矣。我不要。賞要是奧大利的命令。雖死也不肯聽我的。心只知道爲我國。

(0845)

小說

三

知道爲我所愛的龍伯德士官聽罷。不覺點頭說道。原來是一位愛國的小英雄。真可以愧死東洋那些甘心爲外國人的奴隸。叫別人做列祖列宗的龍伯德萬歲。小英雄請罷。只見那少年急急將靴脫下。束緊腰帶。將帽子放在草上。縱身扼住大樹。軀幹士官道。小心點。險哪。士官一邊說。一面走到樹下。用手托住少年的腳向上送。少年回頭含笑向士官道。不要幫助我一人。儘可勉強上去。士官只得將手放開。說道。就那麼着。儘可要小心呵。話未說完。只見那少年點點頭。用腳蹬住樹身。敏捷如猿。一直的往上走去。士官回頭對着衆兵號令一聲「立正」時。那少年早已貼在大樹梢上。只見他一手扶住樹枝。挺立不動。赫赫紅日照着。那項上黃金也似的頭髮。精彩奪目。士官大聲問道。西邊有無動靜。但見少年一對閃閃灼灼與太陽爭光的小眼。睜直向西方看。許多時。忽然大聲叫道。馬傍有兩個人指着這邊來了。士官道。距離多遠。少年答道。有半哩光景。士官又問道。還是不是向這邊來。少年道。扎住了。接聲又說道。噯呀。向南邊去了。士官又問道。此外還有甚麼。少年道。沒有甚麼。就是一座森林。合一座高塔。剛說畢。忽又大聲叫道。不好。不好。有好些個光從林子裏

(0846)

面冒出來了。呵呵。是騎兵放鎗。士官問道。有多少人。少年道。看不明白。人馬都藏在深草底。那邊字的音尚未遞到士官的耳朵內時。只見對面冒出一股白烟。响的一聲。一個彈丸直從那少年身邊飛過。士官高聲叫道。快下來！快下來！敵人看見了。那少年也不答應。忽然將頭掉向左邊說道。好嗎。他們都看着這根樹呢。話未說完。第二個彈丸又向少年身邊飛過。士官此時也不往下再問。大聲說道。下來罷！下來罷！少年道。現在正是偵探要緊的時候。爲甚麼下去。難道沒有可以探聽的事嗎。士官道。有也罷。無也罷。性命要緊。下來罷。少年答應一聲。又說我一個小兒。却想替衆軍人作個師表。命是放在半天空裡的。說罷挺身站住。像又看見甚麼動靜似的。接着又聽見說道。左翼……左翼……此語未終。只見第三彈丸帶着一種淒切聲音。直從少年身軀穿過。可憐血烟飛空。英雄離樹。

(0847)

士官一見。叫一聲「可惜了」。飛也似的跑至少年身邊。但見少年兩手抓地。右脇下血流如注。軍曹兵士一齊下馬跑至跟前。輕々將少年抱起。士官含着眼淚。解開少

年襯衣看時。只見那顆彈丸深貫心臟。可憐愛國熱血。竟擋不住野蠻鎗彈。士官喊軍醫過來。看看少年。知道無救。合隊軍人。淚不可仰。猛見那少年目光一瞬。且向士官指着西方。只叫了一聲「可以見祖宗於天上」。嗚呼。勇敢之少年死矣。士官等含痛無言。移時知道敵兵漸至。只好將少年死軀。抱至一堆軟草上。命兵士將那茅屋內所插的三色國旗。取來。遮住死體。又將彼生前在三十分以前所創的木枝皮。同他生前所帶的靴帽。置在他的頭邊。安置妥貼。將身退後。復對着死顏說道。唉。爾勇敢之少年。哉。轉身向軍曹說道。此少年死。尚有生氣。而其靈魂直上天堂。我輩軍人。倘不努力。不但說對不住祖宗。辜負了同胞。豈不爲泉下少年所笑嗎。說罷。飛身上馬。帶着全隊直闖向敵軍那邊去了。數時後。此悲壯數語。早傳列國同盟軍本陣內。過此道者。無一人不想瞻仰此勇少年的毅魄。忠魂。望空中一致敬禮。

(0848)

傍邊。摘來美花一束。投諸少年之墓。全隊士官兵卒皆仿之。一齊尋來許多奇花。有白的。有紅的。人人連花帶著眼淚。投在少年死軀上。少年死軀。遂埋於萬花中矣。士官兵卒。一齊拔劍祭道。祝少年靈魂直上天堂。又有一位士官。祭文磨盾濡墨。頃刻萬言。文多不具。載姑誌一段。於此以足。以廉頑立懦也。其詞云。聞道東方有國曰秦。秦之侵歐。元寇曾爲之。君中經恢復。今又陸沈。惟此邦人是曰奴。種謂他人父。厥祖是憫。掩帶尾自甘。獸形投降。干祿滅親。求榮。猗我少年。雖死猶生。地之河嶽。天之星辰。光我種族。示我子孫。降虜若知。聞風。庶興海亦有枯石。亦有爛忠魂在天。且兮復旦。祝文頌畢。士卒皆精神萬倍。如狂風怒潮。成列而進。

(0849)



(0850)

揚州夢

(未拂塵髻挽仙裝上)

(破齊陣)好山河。愁霧蔽無心事。塵世行寥天風雲。故國煙雨我身長逝。恨無盡祇爲大陸將起龍蛇戰。且到人間一洩憤慨情。輦下揚州城。

埋。二百年魂游九萬里。蕭蕭墓門楊油油。河上黍。俺乃故明死難揚州人也。姓宗。名祖。早登仕版。徵逐宦場。見宇內多事。以年老乞休。宅在淮南。人歸江左。日惟消閒。靡與聞夫國事。身不受祿。冀免禍于家居。天胡不弔。地竟無靈。歲在己酉。月維建巳。史公踰奔。揚州淪陷。無貴無賤。十萬同膺慘刑。此境此情。九世當雪奇耻。咳俺每念及韃子陷城。居民受戮。往往口噤不能發語。心顛無以自持。迄今二三百。年。人相習忘。有誰記得當年屠城情形。恰好今夜揚州城內。幾位讀書人。因俄

(0851)

傳奇

傳奇

傳奇

據東三省事。留學日本學生電達各省學生協助拒俄。這幾位百思無策。排置亂壇。求仙指示方畧。俺想乘此機會。把他們現在的皇帝祖宗。昔年在揚州殺他們祖宗的慘狀。說給他們一聽。(作愁容介)

(懶畫眉)嘆爾曹熱血無處洒。雄心空付斜陽。下試問江北。馳戎馬胡兒。據官衙。漢家威儀安在也。

諸生欲問未來。盍徵既往。(內問介)徵諸既往何事。昔年滿人破揚州一件事。爲最不可忽。(內復問介)下界凡民。不知古來歷史。尙求大仙指示。(答)使得。

(自羅袍)是今歲二百二十年前。正初夏旬仲。洋河燎遍烽烟。督鎮退守奮空拳。滿兵長驅如弩箭。東城告警。六街風傳。南關出逸。雨淚珠懸。痛羣生無一个能逃玄黃戰。

諸生。爾看己酉夏四月十五日。揚州城破。好不痛殺人也。

(駐馬聽)潰卒兒奪門。請逃城頭人。如枯葉掃順民。兒焚香上表。案前烟共錦旗飄。甚腥風。徹奈何。橋甚血雨。灑長安道。望蒼天。苦號那蠻刀。無分少和老。

(0852)

這是滿州初進城時光景。逃者逃。順者順。種種情狀。也是我漢族習慣的樣子。(賜繡毯)騎兵策馬鞭聲震屋瓦。促人兒伏刀下。問有無。計多寡。把金帛財貨。索向家家。

僮看騎兵逐戶索金。竟有富家巨戶。獻出萬金。尙戮及全家者。

(沈醉東風)僮聽那城外啊一聲聲。如策牧豕。爾看那城內啊一陣陣。如家家雞前導卒。兒單刀提後驅兵。兒長槩舉苦沿途愁雲慘雨。更誰敢左顧愛子。右睨驕妻。街頭巷裏。縱千般捶楚。欲行還止。

(四門泥)最慘的是少婦和弱女。既忍受長索頸繫。更兼是弓鞋行遲。把乳兒拋。襖馬蹄把血痕。濺污鳳。隨驕前薦席。辱及女。尼筵中裸戲。羞殺美姬。幾見那貞淑閨中人。餓刀。

那些婦女受種種污辱。我也談不出口。但是有一層話。我們是要知道的。滿卒黨語人曰。咱們征高麗。擄婦女數萬。無一失節者。何堂堂中國。竟無耻至此。諸生自家試想一想。好不醜極。好不痛極。

(0853)

傳奇

(小皮靴)洗城令下魂驚。五夜滿城居人紛拏。任是毫髮都付風雨。落花棲巢無鴉。窟穴空免封刀。成虛話慘入血渠水流。霞痛見尸山骨枕藉。哀餘淚向誰洒。

諸生生在今日。同聲拒俄。莫非是恐東三省爲俄人占了。旋將波及內地。試問今日十八行省。有那一省是屬漢人的。照上說來。滿人昔年屠揚州。比俄人在東三省還殘忍得幾倍。俺到壇談這一番話。初無別意。要爾們知報復俄人。且先排去滿人纔是。今漏已三下。俺不能久留了。

(尾聲)天荒地老情無盡。要二百年前冤魂。目兒。眼除非是十八行省齊革命。(飄然下)

(0854)

廣陵散此調
之不彈久矣

雜俎

蘭心樓史話

予居美洲西岸哈奴里亞大學。殆八年。日與彼都人士游。述及祖國遺事。當代實錄。或舉逸書。或搜報紙。或陳名家所講授。或攷傳記所傳聞。論事斷言。目光炯炯。吾國野史。碑官所不敢著錄者。亞哲已載諸篇章。列入東方亞細亞近代史。吾觀之。腦中猶有餘痛。嗟乎。台山不作。南山已亡。美哉大都衣冠。誰主睽焉。故國哀樂。襲人思漢之歌。既絕新亭之淚。不流昔人過燕雲。云千古河山。有燕趙百年風氣。尙遼金又元。劉因感憤云。忍看胡虜臨天下。可有男兒問漢家。吾族遭禍。烈于遼金時代。無一人敢問漢家事者。已數百年。吾譯存遺史數十。則以示吾族。亦爲愛種熱情所刺。激鄭所蘭處。胡元竊據時著心史。思趙宋斜風江上起。觸予懷。遂忘辭贅耳。身世淒然。不期同病。手此一書。用誌予話。

(0855)

滿洲偉人剛毅小傳

由哈奴里亞大學長 Shun 氏東方問題譯出

有巍然爲中國皇帝者。彼國人不惜自殺同族。竭力擁戴。滿洲韃靼種是也。光復者洪氏出。漢奸輩又爲韃靼出死力。削平之。擁戴如故。時前故總統格蘭脫。環游抵中國。親見之。著書嘆曰。不出百年。中國民族無一存。歷史界者。歐美人士始知中國有滿漢二族。庚子義和團之役。剛毅列入罪魁。予冤之。剛毅對外人則罪對滿洲。則忠對漢。近者則頑固。對與滿近者則開通。殆有驅策諸漢雄才。使漢人與外人戰。不成則漢人受禍。成則滿人得利。其實行搜括。操縱漢族主義。頗有吾歐人殖民政策。洵韃靼種之首功。惜不能竟撲漢志耳。其一身主義。在滿漢二字。言論事蹟。可攷見者。

江蘇巡撫時代之剛毅

剛毅初無大建白。及任江蘇巡撫。始嶄然見頭角。一日駐滬美總領事與見。論江南人物秀美。實貴國材智之區。剛毅答曰。此皆吾家伶仃奴僕。吾亦頗願馳使之主人翁之氣概。如此。毅不甚識漢字。巡閱揚州一帶。曰。憶及揚州嘉定。江陰。與攝政王苦戰事。憤然曰。我朝滅賊三次。何厚於此種悍僕。決意上疏請清江南田賦。格於翁師。

(0856)

傳議不行。後搜括江南時加之。毅在江南。大都爲滿洲謀利益云。

尙書巡視時代之剛毅

滿政府倚信剛毅。擢升尙書。入軍機。諫西后曰。滿漢不並立。老佛爺用漢奴。宜慎。西后曰。徐桐忠實可靠。毅叩頭曰。徐桐雖好。終屬漢軍。不如我一家。人最爲可靠。西后曰。然則其榮祿乎。一日謂西后曰。江南財賦。漢奴皆柔懦。易搜括。西后曰。勞爾一行。毅抵江南。首清田賦。成宿志也。裁學堂。戒養漢奸也。整頓駐防。防漢變也。毅曰。昔攝政王御蒙古法。必使蒙古奇窮。始不敢畔。我江南產物殷富。照行攝政王法。則漢人永無畔志矣。故有再下江南搜括議。

庚子遭亂時代之剛毅

戊戌政變。毅曰。大事幾入奴隸手。聞義和團有扶清滅洋者。毅告西后曰。此種家奴。可用以攻洋人。西后曰。恐難勝。毅曰。不勝。不過送托漢奴土地一二塊。與其送於家奴。不如贈於朋友。使彼攻外人。滅生仇。我心且借外人手。盡殺之。計甚得。西后曰。善。及走山西。臨終遺摺曰。洋人不足懼。即瓜分中國。必留一隅。土使我滿洲得爲小朝。

(0857)

延決無絕我血食理漢人余世仇也。無滿有漢。無漢有滿。漢人得志吾滿人之憂也。願無假以事權無開其智識則得駕馭之法矣云云。

剛毅之聯俄政策

中俄密約。全球喧傳。定議於榮祿。建議於李鴻章。加冕之行。不知剛毅實爲大主。動力殺說西后曰。聯俄大利有三。滿洲舊部原發祥於松花江俄國西北利亞人民。實與我同種。漢奴終有崛起。一日我倚俄人以歸。故土事必濟利。一西洋各國距我。寥遠。設一旦漢奴反噬。驟難獲救。俄人與我東三省接壤。駐防兵不勝可借。俄兵以平家奴且可保全列祖發祥舊地。二滿洲人資財西洋各國皆不可託。更不可假手漢奴。俄華道勝銀行經理滿王大臣財產甚好。願老佛爺信用之利。三西后曰。善殺於是與道勝銀行總裁。璞科弟議儲金事甚密。義和團事起。殺密商於俄公使曰。貴國能助予否。俄公使曰。貴國出首。敵國暗助。各國聯軍一挫。則敵國出首。方當殺揚言于朝曰。此次無用。漢奴免敗。吾家事許諫疏入。殺怒甚曰。許曾使俄公使。屢言許不可靠。今觀之益信急殺之。無使毒予。其臨終遺摺。猶諄諄言聯俄利益。滿

(0858)

清政府今日決計聯俄沿殺策也。

剛毅之言論與計畫

殺嘗語人曰。吾馭漢奴有絕妙法。識漢字多稍有才具者。厚予修費。必爲我盡死力。漢人位雖督撫一遇滿人意氣必下稍加禮貌。彼必大喜。小有過失再以盛氣凌壓之。則畏我矣。其獨到之論。則如漢人強滿人亡。漢人宜多識字。使讀迂書。滿人宜少識字。用力兵事。督撫多用滿人。府縣多用漢人。一個滿人可以用十萬漢人。統兵宜多用滿人。只有漢奸沒有滿奸。宜推廣舉人進士翰林額數以牢籠漢人。云云。剛毅不識西書。民族觀念儼與十九世紀思想相合。亦一大怪事。瑣羅氏曰。吾國書契條約。只載裏東方有名中國者。China。並不知有大清及滿之主權之徽號。義和團事後得在中國諸友手告述剛毅事實甚詳。始識古稱中國。今之主入則滿清政府。殆如印度屬英。今尙稱印度帝國。相等。吁。中國危矣。族居吾國者。殆四五百萬大。蠢蠢如鹿豕。不識國權所在。故吾國人亦鮮有聞者。予初以滿洲不過中國一小部分人。種少有派別不意懸殊若是。誌之以備東方史料。

(0859)

李鴻章與畢司馬克

由畢李問答錄出

李鴻章游歷西歐。見畢司馬克。畢問李何功得伯爵。李答云。平髮平捻。畢云。自殺。同種吾歐洲。不以爲功。以爲罪。吾國報章譯本。錄列此條頗詳。無容贅述。其未經譯者。今特補出。李謂畢三次。一日李詢畢曰。足下久執德政。一戰勝法。願教章以強中國。畢曰。足下欲與外國一戰而強中國乎。抑欲恢復祖國以強中國乎。由前之說。滿洲政出多門。足下首位尙有親王執權。恐無此望。由後之說。足下力所能及八十老翁。何所畏憚。無令後世罪足下也。李曰。漢人服從日久。恐不易辦。畢曰。希臘亡國千年。今日巍然成獨立國。中國百倍于希臘。豈無愛祖國之志。士耶。足下何試爲之。李曰。待機會。一日畢宴李曰。漢族人衆而勤地廣。而美他日脫滿洲羈絆。東方強大之國也。李曰。甚難。前事予極悔之。畢曰。爾送東三省于俄羅斯。斷滿洲歸路。此計最得。然滿洲尙未絕希望。設爾遼東與日本之策行。則亡滿必矣。李曰。予初亦無此意。不過微中耳。臨行畢握李手曰。予後日看足下大銅像。巍然與華盛頓伯仲。矗立中國大陸。中國民族幸福之日也。李曰。謝佳言。章老恐不能如足下言。

(0860)

李鴻章與戈登

洪楊據江南。英法遣使定兩不相犯之約。認爲獨立政府。及長江上游盡失。蘇浙一帶。李軍亦甚得手。英人知洪楊必敗。轉聯合滿清政策。遣英將戈登助李。大小下四十餘城。一夜李戈二人在大營燃燭縱酒。酒酣屏侍者。戈曰。予此次爲汝漢族來。洪揚不可有爲。足下提軍數十萬。挾積勝之勢。長驅北上。走滿清。據北京。號令天下。漢人獨立之基。予歸歐洲。亦得大名。譽李聞之。面赤如土。大嚇曰。昔胡君林翼曾勸曾。滌生師爲此。滌生師曰。胡一生脚根站不穩。予才未能也。戈大怒曰。汝漢人無用。至此悔同汝共事。汝細思之。及下蘇州。八王降。李欲殺之。商諸戈。戈曰。不如縱之。使北伐勝則足下得利。不勝則八王遇害。足下陽追北寇。陰觀動靜。不世之功也。李卒殺之。大怒。急束裝歸國。李置酒作別。戈擲杯擊李頰曰。看汝漢人永世不得翻身。予來中國二十餘年。不能在東亞大陸立奇功。助人自殺。同類何面目。歸見歐洲人。予一世功名皆悞于汝小子。手不辭而去。李曲意挽之。不顧。戈道出上海。語人曰。執滿洲以號令漢人。中國事易辦也。戈卒不歸歐洲。赴非洲探險。欲建奇功。以掩助李軍之

(0861)

八
恥死黑蠻乎。葬衣來河。李游歐洲道地。中海會一展其墓云。此吾昔日共攻長髮賊之老友也。

奴痛

河內博覽會廣告文

蓋聞賽會之設。伊古以來。何國蔑有。未有如法人得越南東京之盛者也。十餘年時和世盛。十三省物阜民康。茲屆賽會之期。訂期于西一千九百零二年十一月起。至西一千九百〇三年正月止。試即景而約略陳之。夫古今至寶。中外奇珍。法人不惜重資。務期富有。不嫌事擾。務盡搜羅。動則有珍禽奇獸。植則有奇花異草。物以造而就者。鬼斧神工。物以化而成者。天造地設。形形色色。愈出愈新。怪怪奇奇。彌精彌妙。幾多黛綠粉紅。無限珠明玉美。九十日珍奇。燦然羅列。萬千年至寶。煥乎直陳。爽心奪目。悅性移情。不居然大觀也哉。其次傑閣凌雲。危樓摘星。欄杆馥郁。臺榭崢嶸。酒肆別中西。馨香至味。街衢分左右。樹木交輝。堂名禮拜。嵯峨則天日齊高。園號皇家。

(0862)

漢
懋遊則軍民共樂。道路平康。南圻北圻皆通達。水鏡明媚。劍湖西湖樂溯洄。任重致遠。電車火車顯其奇。就熟駕輕。手車脚車呈其異。虎嘯龍吟。咸欽京戲。高山流水。共唱黎園。電戲畫戲齊鬪巧。童男童女共爭妍。毬運輕氣。空中直上界三千。鐵鑄成橋。水面橫浮虹萬丈。遊目騁懷。極視聽之娛。仰觀俯察。窮物類之華。遊藝者駕梯航而至。博物者越關山而來。商賈雄豪。如雲如雨。歐亞士官。以邀以遊。非通都大邑勝地名區有此奇觀哉。爰呈小引。貽晒大方。

(中略)

西一千九百〇二年
光緒廿八年成泰十四年

爲此文者其人素主尊王主義。喜作頌聖文章。凡坐堂皇。執刀鋸。鼎鑊。以臨之者。彼必呼爲我聖朝。我皇上。無論其血統之同異。膚色之黃白。但其手段強硬。慘毒可畏。皆當屈服。其下獻媚。實淫以求作忠臣孝子。斷不敢稍懷誹謗。自陷於大逆不道。舉其臣服異族歌功頌德之祖傳。轉而代他人以媚異種。不幸亞洲全土多產此一種萬劫不復之奴隸。國亡家破。依然自慶。昇平。賸水殘山。不問誰家管。領今日中國人。

(0863)

十
見安南人滿口稱揚。不置他時。安南人對中國人。必自幸其得佳主人。爲使彼邦變爲文明之域。而誇耀於中國人者。吾安得翻太平之水。而淨洗其穢惡也。

(0864)

詞藪(楚風集)

渡美紀行詩

今朝不飲東京酒。大海茫茫。亞水來此。去東洋無片土。青山一髮。認仙臺。一曲哀絃兒女語。天涯故土。別離多。朱裙翠帽。婆娑舞。亡國餘生。奈樂何。九日海行。編襍記。孤舟客。與太平洋。白人慢。與黃人語。喜有佛蘭白。練娘高帽。昂行且額呼。紅頭躡。跪亞洲。奴只憐。亡種生。餘痛記。得揚州。十日無水天。如鏡照。船櫓。四月無風。海月黃。一手皮包雙眼鏡。極東八島上。檀香。

藪

漢

出東京灣。無風。舟甚穩。翌日青痕一抹。現西北隅。知已過仙台。市船中西人。夫婦兒女。飯後雙行。跳舞。閑時。鼓琴。亦邀予等入觀。因學生故也。亡國之人。相對心酸。西人當亦腹笑。船抵檀香山。火奴。約九日。船中。華人見西人極恭。西人亦慢之。有法女某。著白練衣。裙。殷殷向予等問。華風俗及宗教。遇華人亦甚善。嗟乎。我自有國。視他人憐愛。以爲喜。怒。殆亡國人種。應有之資格。船中有一西人。携一印奴。視爲器用。

(0865)

楚風集

一日某西人行船面視左右無椅橙之屬。大呼且額。且額者。英語椅名。予以爲呼僕人携椅來之意。紅頭奴即首手抵地。曲臂作橋形。臂脊平如椅狀。西人倚坐其上。約一小時。西人起行。數步。印奴始偷視敢起。尙恐其復來坐者。印度亦古國也。異人種。君臨其土。印人不自知。無怪前代亡于蒙古。今世復亡于英也。回憶滿洲。屠揚州時。裸婦女作肉牀。婦女向滿兵猶賣笑。滿兵罵曰。予入高麗。婦女無一辱者。今爾等如此。應入吾手。視印奴亡國慘狀。抑又甚焉。抵火奴奴府。得船長照上陸。舟中行洋數日。幸不遇風。亦大快事。

白門疊板西洋式三鳥窗樓。一樣高長。住島洋風俗。慣垂垂繞屋種香蕉。江山依舊。橋門在廢。國誰爲故主。哀太息。彼姝宮月。冷夜深。空待翠華來。黝市荒垣。餘劫火聲。無淚哭同胞。已聞島政收頭血。又報華工禁勸勞。三口蔗糖。知國富。半年粟種。官妖喃喃。語兼閩語。海外相逢。意不豪。

抵檀島。島併歸美人後。島中女主入美。今日檀置則府。風景不殊。舉目有河山之異。檀人昧々。吾爲悲之。又將悲檀人者。自悲之。檀屋多洋式橫板。如日本建築。蓋太平洋島屋風味也。島產蔗糖。前領事盜鴉片入口者。半年後爲美人所逐。華人登岸。又

(0866)


添一禁例。華工商粵人最衆。觀既燒華市。瓦垣荒涼。不忍入目。噫。太平洋中。吾華人無託足處矣。

停舟檢疫。海西頭。遙望金門。不自由。倚岸木棚。三兩座。高天厚地。幾華囚。

抵美。望金門不得登岸。檢疫故也。同船華工。不合例者。囚于木棚。有經歲不得出者。吾同種其嗟之否。



(0867)



(0868)

張之洞之奏陳俄事

張之洞奏陳俄事。共有六條。一中國宜連英日美三國。以阻俄。應至聖彼得堡議定退兵之日。二退兵以後。以吉林與京開爲通商口岸。將此意知照英美日三國。請其助力。三在滿洲地方之滿洲政府。應加以更改。與別省相同。四盛京地方之滿洲將軍。應即撤去。將此一省併于直隸。由直隸總督兼轄。五由直督袁制軍自行派兵至滿洲。保護俄人。俄兵則應減少至六千名。六設俄國以後行事。有礙中國利益及傷中國體面者。或再向中國索地方利權而立密約者。中國應照會三國。與彼等商酌而求其助力。

記者曰。統觀六條。大概依賴日英美三國。一種可憐情。

國聞

沈蕙被殺之大略

字林西報云。沈蕙爲人極守禮法。在北京時。其所交往。類多上流社會中人。此等入中與之爲友者亦甚多。容或庚子年漢口富有票一案。彼亦與聞。因有人言彼于此時。曾在湖廣督署中充當文案。彼後即通往日本。日本地方。彼亦新交款友。故於一年前。即歸北京爲報館之訪事。惟彼自歸國至今。未曾與國政。或有人以爲彼過于偏向日本。而抵拒俄國。故彼發電至日本。所傳各新聞。每多不實。所以此次中政府拘彼時。彼自言日本報中各新聞。皆由彼告知。中國於俄國所索各款中。有兩款已經應允。彼以爲此款即係中國與俄國所立之密約。或彼之此言。亦係誤會。惟由此各消息可知。俄人實在其中設法欲得中國之利權也。後中國各官員

(0869)

即至宮中奏聞沈某所爲各事。乃即奉上諭將彼等交于刑部。彼之如何被拘。及在刑部監中所受各苦。余等不必言。及因此等事。雖不合理。然在中國乃尋常之事。不足奇也。至前月廿九號。即有審問之事。問官係太后所特派。亦不問其干預富有案。有何憑證。又不言明何人告彼之情節。彼等本欲用大刑。惟因沈蓋自行供認。故未曾用刑。照中國法律。問官亦不能即行定罪。後即將所審各情覆奏于太后。沈蓋之友人。以爲後一日即將有諭旨將其正法。惟其中又有人盼望時正盛暑。不能行刑。或可延至秋後處決。或可暫時不死。惟審判以後。即覆奏朝廷。請諭知作何辦法。後太后即降旨謂沈蓋之罪。無須凌遲。亦無用正法。祇須在監中杖斃。所最奇者。此極惡之刑。各部之官吏。竟肯奉上諭而照辦。用竹板笞撻四肢兩背。共計兩時之久。以致肌肉全行腐爛。而人仍不死。沈蓋受苦難當。願求賜以絞斃。

後照其言而絞斃。彼氣絕時。爲時已晚。從此可知中國之文化如何。太后之性情如何。此事乃出于太后之意。親降諭旨施行。則毫無疑義。即據中國之法律如此辦理。亦係適分。惟現在能行此刑。即可知太后之權爲不小矣。

記者曰沈蓋之死。我目不知何爲。而腫我肝不知何爲。而裂犬羊。賤族敢將我漢人慘殺。乃爾我中國之稍有同胞。觀念者。能不摩拳擦掌。以報此仇哉。

(0870)

俄兵入藏

駐藏大臣電咨外務部謂有俄國武員隨帶少數兵馬侵入西藏。據該武員復答僅入藏遊歷。並無他意。惟該武員並無貴部護照。不無可疑。合請照會俄使查明情由。以便照約保護云云。旋經外部詢照俄使。復稱俄政府並無派員入藏之事。故外部已電飭該大臣斥逐矣。

法之要求

駐京法國公使照會外務部。略謂桂撫王之春。今雖革職。前與敵國所訂各約。須照約辦理。外部隨即照覆。謂王與貴國所訂何約。本部未經與聞。須俟查核商的辦理云云。

拿辦會黨

某大員面奏皇太后云。現在外間因查拿會黨。以致謠言四起。人心惶惶。有謂長江一帶會黨已潛圖起事者。若長此情形。恐人民解體。大非中國前途之福。皇太后云。我本無心追究此事。然既有人指名舉報。自不得不按名拿辦云云。

記者曰有壓力而後有阻力。有阻力而後有關力。天下事大抵皆然。拿辦會黨。是使會黨團結。固起事。速會黨萬歲我中國之前途。光大在此。拿辦會黨之一舉。請美調停。

國聞

兩宮近因東三省事。頗爲焦慮。故日前召軍機大臣及各部堂司各官至頤和園會議。時慶王極言現在時事日亟。若諸美國出來調停。或且易于結局。皇上頗聽其言。遂電致美國大總統。略謂中國現在時局日促。甚盼貴國仗義。出爲調停云云。

俄之窺蒙


俄國每以測量土地爲名。派兵侵入蒙古。近者益增其數。即如庫倫貝加爾州。已有旅團步兵三千。騎兵二千。工砲兵各一千。共計軍隊七千名。且于該處建築堅固兵營。貯藏軍需。爲永久駐兵之計。其他步騎砲各兵之駐烏里雅蘇台者。有五千。駐喀爾喀者有三千人。以虎狼之威壓制土民。而保護本國商民。有時或以柔軟手段。散給衣食以濟貧民。或設學堂以教土民子弟。恩威並行。足見俄國籠絡之術之巧妙也。

西藏獨立之意見

三

西藏喇嘛自游俄之後。立意欲去中國之羈轡以求獨立。

記者曰。渺爾西藏。尙有獨立之雄心。堂堂中國之黃族。竟俯首帖耳。甘居異族之下。若與藏人相遇。能不愧死。



(0872)

外事

英籌對清之政策

英議員藍斯當氏在上議院對英宣言。謂中國待我英人雖不薄。然英不啻費九牛二虎之力。僅得鐵路等數項利權。未免不無遺憾云云。又前駐中國公使薩道義氏。現已過返英京。謂當將中國情形詳告政府。以爲對清政策之一助云。

塞爾亞之新立帝

塞國彼得氏已登王位。各國雖然無所異議。然後之殺戮殘酷。必盡法懲治。方合于理。此各國或且不愿干預。亦未可知。

俄人之大欲

紐約各日報論云。俄既經營于高麗。又垂涎于西藏。然

外事

俄美之密約

俄人已與美國訂一密約。中頗藏深意。俄人明言僅允英日二國在滿洲通商。亦允美人同沾利益。惟彼二國須開誠布公。庶彼此均有裨益云云。暗指不能獨准美國在滿洲通商也。

禁止亞細亞人之登岸

南非喇屬近議訂立一新例。禁止亞細亞洲之人登岸。議員皆同心贊成。而人民亦於希打比地方聚會。統領布打氏對衆演說云。此例雖非慮亞人越境起見。若有學問及能操和語與夫白人。均不在此例。

太平洋海電告成

太平洋海電。現已工竣。開遞電報。該公司總理人麥岐氏曾發一電周歷環球。僅需十分鐘而已。路透局按環

(0873)

錄目期八第潮江浙

行發日十二月八曆中

總發行所

日本東京牛込區
東五軒町九番地

浙江潮編輯所

- 警告◎敬上鄉先生請急設法令
高爾伊毀棄寶礦契約并力圖善後
- 圖書◎浙江全省十一府新地圖
(其一)金華◎張公煌言像◎錢公
肅像◎紹興勝景(其一)柯巖
(其二)蘭亭
- 社說◎新社會之理論
論說◎近時二大學說之評論
- 學術◎
 - ▲政治◎國際法上之國事犯觀
 - ▲哲理◎哲學綱領
 - ▲歷史◎憲政發達史
 - ▲地理◎中國地質略論
 - ▲傳記◎中國愛國者鄭成功傳
 - ▲科學◎說鉅(最新發見之原質)
- 大勢◎
 - ▲世界一般大勢◎近世工商業之
現象
 - ▲各國內情◎德國國勢之進步
 - ▲談叢◎野獲一夕話
 - ▲所聞錄◎浙江人聽者！實我浙江
礦產者聽者！官逼民反◎那拉
氏之借款慶壽◎外數條
 - ▲專件◎寓滬浙江爲抗紳高爾伊盜
賣四府礦產事敬告紳民啓
 - ▲雜誌◎
 - 東報隨譯……………四篇
 - 瑣談片……………二十二條
 - 留學界記事◎記浙江同鄉特別
會
 - 小說◎愛之花◎返魂香◎戀愛奇
譚
 - 調查會稿◎浙江省會學校一覽表
 - 紹興全府當業架本調查表◎外
數件

總代派所

浙江省城下城頭巷杭州白話報館
上海英租界棋盤街國學社

洋裝百八十
頁每月一回
中曆二十日
發行
全年(冊二十)年全
角二圓三……(冊二十)年全
角七圓一……(冊六)年半
角三……(冊每)售另

(0875)

事

外

120

球一周爲七萬二千里。是每分鐘能行七千二百里。可謂速矣。

禁例刪除

南非洲拿他之立法院。已將禁止華工入口之例刪除。自此以後。華人又多一謀食之地矣。
記者曰。華人與其遠適他國而謀生命。脈脈諸人。不如先將內地之不耕而食之怪種。盡行殺之。以安置此種華工。未知同胞以爲何如。



(0874)

路要本日學游

白告部待招北湖

自漢口至上海各公司火輪船二等艙客每人約數圓江行三日

上海有招待所(一)上海縣城大東門內育材學堂王君培孫 同人公囑託 (二)四馬路東華里昌明公司馬君剛侯 同人公囑託 凡兌換日銀購買海船票皆由兩處代爲經理且代函致留東同人豫備招待

自上海至橫濱日本郵船會社火輪船三等艙客每人三十餘圓洋行

六日

未請上海招待所函知東京同人者。船開上海之時。即自備一。東京日本東京神田區駿河臺鈴木言某。自上海起程。投入郵船。船中皆備或交船中。使用人皆須付以三分印。屆日。船至橫濱。實館。有幹事前往招待。一切孔招待。負不取費。於來游者。

自橫濱至東京火輪車費。上九。中六。角車行一小時。即六十。

東京居住每月約十餘圓。除陸軍外。不用寄文。皆可入學。

(0877)

潮江浙
錄目期九第

中歷九月二十日發行

洋裝百八十頁每月一回定期二十日發行

- 圖書◎浙江全省十一府新地圖(其八)衢州◎西湖勝景：西冷橋晚景：湖心亭秋景：溫州東山風景
- 社說◎新社會之理論(續)
- 論說◎近時二大學說之評論(續)
- 學術◎
 - ▲政治◎國際法上之新國家觀
 - ▲農業◎植物與人生之關係
 - ▲哲理◎斯賓塞快樂派倫理學說
 - ▲歷史◎十九世紀西歐之泰東思想
 - ▲傳記◎中國愛國者鄭成功傳(續)
 - ▲科學◎水力說
- 大勢◎
 - ▲世界一般大勢◎近世工商業之進步
 - ▲國際政局◎歐洲政局之變遷
- (續)◎
 - ▲談叢◎野獲一夕話
 - ▲所聞錄◎嗚呼浙礦◎可憐歸化人◎東三省問題
 - ▲雜誌◎
 - 東報隨譯◎支那必亡論◎餘數件
 - 瑣談片……………二十二條
 - 來稿◎敬告浙江人
 - 專件◎杭州教育會章程
 - 小說◎斯巴達之魂(續)少年軍(二)◎
 - 雄雄斷
 - 文苑◎祭沈禹希文◎述懷◎送賀君歸國◎開俄警有感
 - 調查會稿◎富陽縣物產表◎浙江鎮場稅之一斑(承前)◎浙江全省房捐酒捐捐總數一覽◎餘數件
 - 浙江文獻錄
 - 張公煌言集……………北征錄

總發行所

日本東京牛込區
東五軒町九番地
浙江省城下城頭巷杭州白話報館
上海英租界棋盤街國學社

浙江潮編輯所

洋裝百八十頁每月一回定期二十日發行
全年(冊二十)年全
角二圓三……(冊二十)年全
角七圓一……(冊六)年半
角三……(冊每)售另

(0876)